

列
朝
詩
集

列朝詩集

集第九

崑崙山人王叔承

一百四十三首

隨戎政養謙一首

沈記室明臣

一百三十二首

呂山人時臣二十七首

盧布衣雲

李布衣瑋七首

王江寧同軌

鄭山人若庸二首

陸山人弼

黃山人克晦四十一首

康山人從理

鄔公子佐卿二首

茅布衣溱

葉山人之芳六首

傾山人聖少

莫山人叔明四首

朱太學邦憲

朱錄事正初一首

濟舍人緯

田廣文藝衡九首

丘知縣雲霄

王舉人樂善二首

張祐

葉山人權一首

汪鉞

王貢士應辰四首

列朝詩集十九

張儒士金 三首

田 四科一首

陳秀才公綸 六首

爐一首

張秀才文介 二首

鄭惟勉 二首

王秀才瑞 一首

崑崙山人王叔承

叔承初名光胤以字行更字叔父晚更字子幻吳江人少孤受博士業以好古謝去食貧贅婦家爲婦翁所逐不予一錢乃携婦歸奉母而貧益甚所善商生爲承父謀曰吾聞趙王賢而好客謝榛鄭若庸皆在幸舍我曹可以曳裾往乎乃治裝偕之鄰鄭已先爲承父言于王承父問知王雖好客客見必蒲伏長跽稱主臣弗屑也會商生病死葬之銅雀臺下東之齊魯北入燕客淮南少師所使草應制祝釐之作承父謝弗能日從相君直所得縱觀西苑南內之勝作漢宮數十曲流聞禁中而以其間與吳興范伯楨海陵顧益卿梁溪陳貞父胡原荆定交於公車承父皆弟畜之相與悲歌縱酒訪問燕市酒人遺跡相君有所譏述使人物色之往往醉臥酒壚中欠伸弗肯應久之乃謝歸母好奉佛承父亦奉佛弗能戒酒詭其母曰佛所謂米汁也原荆以御史拜以婦縱游吳越名山水作前後吳越遊已

益卿于闐作荔子編還過貞甫于楚作楚遊編益卿開府瀟陽又要之
塞上作嶽遊編而歸遂不復出年六十五而卒承父有酒德飲可一石客
或戲謂君貌類胡僧多笑而好飲豈布袋和尚分身耶少多狹邪之遊曲
宴新聲雜擁柔曼竟酒無所狎昵原荆貞父伯楨先後物故經紀其喪卯
翼其子姓有古人之誼王太倉元馭亦布衣交也再召當事有三王並封
之議承父遺書數千言謂當引大義以去就力爭不當依違兩端負主恩
而辜物望太倉亦歎服焉承父爲詩豪宕莽蒼天才爛發最爲王元美兄
弟所推敬美序其詩以爲太初讓其精俞謝遜其兼七言歌行頃刻數百
千言可喜可愕種種變幻真能以牛溲馬渤爲藥餌嘻咲怒罵爲文章蓋
其兄弟間之論如此然元美作五子詩不及承父僅居四十子之一而已
承父序卓漱甫之詩曰詩衰于宋元北地起而復古一代摩擬之格此其
創矣歷下一變鍛鍊陶洗脫凡腐而尚精麗然才情聲律未極變化故用
豪句構壯字卽高武晦而雜疊複而致厭始多宗之後且避之也弇州與
歷下同名而異用又變而博火僻遠汪洋磅礴無所不出入安究其底則
死骨未寒非之者過于慕之者矣承父之持論若此何怪乎弇州實應且

憎陽浮慕之而實不與乎雖然承父之不爲眇君子者幾希矣

宮詞一百首并序 錄五十首

昔王仲初作宮詞百首乃其後王禹玉擬之蓋仲初寔與宦官相善而禹玉司北門直故二子寫唐宋宮中情景縹緲如畫然風格稍稍降矣夫詞家不以多寡爲盛衰王少伯古宮詞不數首而體雅俊逸真遺響千春余自華陽禮茅君還月夜入蘭陵桃花園適桃花萬樹盛開氤氳花月醉傾流霞宛然漢宮春色也余故客遊長安念禁庭事非山謠所宜則聊掇故宮流澤殘芳竟點染落成此卷命吳姬倚酒歌之回首吾諸王其嘯東家之施者耶吳郡王叔承書

二八佳人三五宵僊風隨幸廣陵橋分明記得霓裳曲春夢微茫月影遙紫翠陰陰鬪草堤柳風淡蕩舞衣吹衆中獨有宜男草贏得金釵百子池柳外鞦韆拂綺樓舞闌初解翠雲裘玉鞭夜踏桃花馬萬朵銀燈照打毬別苑東風報牡丹傳宣曉出望春門惜芳却覆黃羅帕護取花王待至尊碧塵縷縷暗香溝湘簾空牀螢火流梧葉一窗眠未得月明秋水聽涼州入宮新拜大長秋軟舞平陽夜不休一曲春聲低按拍御前飛墮玉搔頭

敕下天題法曲新書生賦奏太平春
雕盤紅裊宮花朵賜與傳臚第一人
何處文星動帝廬却憐狗監薦相如
漢王親御蓬萊殿夜半燒燈讀子虛
十五傳歌隸太常壽陽公主教新妝
朝來試弄琅玕笛零落梅花玳瑁牀
曙色參差楊柳東額頭花片點新紅
思君夢落巫山雨怪底黃門問守宮
綠雲細艸濕紅巾御酒傾霞欲醉春
試奏教坊新羯鼓內園初賽百花神
桃花飛雨膩青隄萬馬驕嘶錦障泥
後罷溫泉僊蹕晚綵雲狼籍霸陵西
粉榆春社鬪鷄回御杜朱旂夾道開
寒食官愁消未盡夜禁彈過水晶臺
太平天子獵長楊羽騎千群曉臂蒼
金簇雕弓親射虎擊鮮先賜月氏王
碧眼胡兒細剪毛大宛寶馬貢天槽
殿前却奏長城曲首笛秋風紫燕驕
櫻桃纔熟報君王萬點嬌含紫玉漿
未及寢園春薦去沉香亭北已先膏
桑子青青雨壓枝宮蠶老盡簇銀絲
侍兒擘破蠶蛾繭腸斷西窗有所思
紫燕雙飛花雨香青泥春老墮雕梁
不知天外烏衣國可似宮中別恨長
氤氳水殿蕩朝陽夜漲桃花錦水香
珍鳥千行看不禁自將金彈打鴛鴦
枝頭點點送纖霞翠閣臨春鎖麗華
十月冰霜滿京國宮人爭唱後庭花
玉漏聲寒夜色虛按殘宮籍幸來疎
當時御輦迎歡日曾向芭蕉葉上書

聖人嘉禮詔親農萬國元年開景龍內侍半天傳玉冊百花深處見昭容
掖庭清曉降神仙爭賀青陽太子陵報出閣門分內賜滿朝皆得洗兒錢
江南江北錦帆來妾自商歌妾自哀百曲迷樓春不住楊花飄蕩李花開
複道冥冥繡戶扃燈花落盡曙烟寒春寒肯怨鶯衾薄暗掩朱簾望小星
六院諸姨獻寶新天家生日幸宜春鳳衫嚶熨薔薇露曉進龍牀喜稱身
上已春回太液池天青水碧晚妝遲一痕初月垂芳樹學得纖纖新黛眉
盈盈紅曉妝新靜倚菱花自寫真一片青霞生襪底滿宮傳是洛妃神
山色移青入画眉綺疏春旭寄幽思蜀藤新進松花紙臨出曹娥江上碑
西清環珮水泠泠片月初生雲母屏却遇王真公主到碧瑩飛照蕊珠經
宮草平階擁淚痕簷禽浙浙送黃昏君王豈是并州估明月梨花獨掩門
漢王擊筑慕邊勳妾抱篴篥歌塞雲莫遣玉關消息斷傷家況有衛將軍
夜燄刀尺燭花殷九月邊衣詔內頒不合題詩落寒絮宮愁傳遍玉門關
風流陣罷更迷藏偷入離宮伏御牀却向紫微深處覓眼花牽着聖人裳
天上仙源水暗流漫題佳句落金溝憑誰拾取新紅葉萬種闌情一片秋
梨園歌斷萬花天風雨寒鈴憶舊遊怪得人間傳秘曲江南春老李龜年

寶馬圖開雕錦妝殿前揮灑汗飛丹燒好手捧將軍賜玉甲光搖瑪瑙盤
深宮窈窕斷人烟春去春來只自憐共說髫時花底樂遊郎無數看秋千
長生秋殿夜焚香暗詔盟心禮法王手錄藏經還自竅阿環視爲李三郎
傀儡那能識幸姬含情流盼向天帷也知歌舞偏憐色何事君王怒假師
卿雲縹緲覆長安仙仗凌霄頌百官芝草忽生涵德殿昭儀捧出侍臣看
一見君王認未真依稀聊記夢中身閒窗試作丹青像阿監驚看拜聖人
朝元閣上翠烟橫太乙壇前白露明曾侍上皇供法曲跕歌猶帶步虛聲
學士風流女秘書五姬更進尚宮除君王莫得虛臨幸妾在彤幃注起居
絡緯啼秋梧月深碧紗描粉繡觀音女僧聞作孟蘭會乞假中元施寶簪
一拜昭容便直廬絲綸窈窕自唐虞十年獨視通天草綵筆含春落雨書
長宵無奈玉牀寒結得中官姊妹歡暗贈流蘇雙鳳帶叮嚀莫遣外家看
家本邯鄲歌舞仙龍袍從獵並金羈玉顏恰與天顏似忽悞將軍跪馬前
詔點伶官又采詩譜翻奇調學來遲新詞半是龍標尉舞回歌前合何枝
入宮猶自服胡麻一尺紅綃寫法華落盡苑花空是色藕絲輕履踏春霞

金山

龍宅龍宮紫氣驕壯游南北倚青霄蜀江萬里來春水吳嶼千尋帶暮潮
夾岸帆檣揚子渡隔天雲樹廣陵橋臨流無限風塵思濁酒淋漓劍影搖
渡江望金焦憶往歲與商任叔陸伯玉游茲來陸歸商死矣感而

有述

忽破風塵夢淒然感舊游山川來往處生死別離愁沙雁青斜照江豚黑
上游乾坤汝南北無限此生浮

貞父漁大魚未得得一獐烹之戲爲短歌

陳家小獐鹿無角細草長林春濯濯魚乎未來汝登俎顛作羹蹄作脯
兒童休笑余不仁仙家日日烹麒麟獵人獵人何賢否浮生生死不自有
吁嗟乎大魚揚鬚獐授首

過陳濟之精舍

看寫山水圖忽聽槽牀酒聲便敲青螺佐飲成醉
山家壓酒聲涓涓有如細雨鳴春泉入門聽此發酬興何須響落宮商絃
玉缸新碧洗盞試青螺擊破江頭鮮山人酒酣不自奈胸中丘壑飛上絛
近來山水沈周好人物頗稱吳小仙二生老死汝少年古道肯取時人憐
眼前木石渠固小天下豈少名山川槽牀有酒酬知己畫成換米換秫米

述歸

離家四五載骨肉多猜疑生還不自分忽如夢與迷小兒不識父大兒
我歸妻子怨離別笑言仍嗟咨此別未爲久何得生酸悲明朝事行役爲
余備晨炊

上巳日吳野人烹鱸及吳化父兄弟宴集

前溪雨足溪水新夜漲桃花三尺春三月三日月初麗浮玉流觴驕醉人
偶過楊柳橋西宅魚脊鱸膾當門立船頭活蟹紫堪擊重欲滿斤開逾尺
主人藏蟹真得宜急流之下青籠垂日飼稻子數百穗楓落直過桃花時
蜀椒吳鹽落砧細寶刀香膩春葱綠雄者白肪白干玉圓脰剖出黃金脂
主人有蟹不賣錢但逢嘉客留斟酌持螯豈慕尚方珍長對杜康呼郭索

金山江天閣漫興三首

揚子橋橫落日明瓜洲天白晚潮生海雲忽到金山寺江氣遙吞鐵甕城
鳥外漁歌斷水烟隔江喚過打魚船鱸魚出網鮮猶活笑擲船頭三百錢
天塹悠悠爾奈何大江南北自滄波北懷莫遣神龍笑千古斜陽釣艇多

筌篲引

公無渡河河不公惜黃河猶可奈此河伯

少年行

千金寶劍萬金裝笑擲胡姬綠酒牀醉躍紫騮呼俠客東風吹入聞雞場

鳴玉園雜景二首

山童報新水沒到櫻桃樹雙飛跋鳧魚衝散落花去

鸛鵒洗清泉細眼開春曉金魚吹墨花黑却浮萍草

荅陳濟之雪中見寄

昇雪搖空江美人隔烟水門外寄書人蘆花裹雙鯉

丁卯元日有感却寄范伯楨

仙班無乃侍臣哀龍去攀髯竟莫回誰復草書封泰嶽可堪遺詔惜輪臺
百年忽有河山變萬國重瞻日月開春到定逢新禮樂周南憐汝滯蒿萊

江謠

政有何苦視虎爲甚婦人之言孔子輕信代王卽天位半賜今年租縣官
勤歲課殺人如斬荼謂虎有牙不破我家謂虎有義不食我穀麒麟鳳凰
頌天濟濟願我皇帝陛下壽萬紀小人雖生亦螻蟻

雨中與范伯楨登常照寺飲其弟仲昭書舍

山雨飛花訪謝連
新詩細草佛燈前
前身記是維摩詰
手把醪醕坐白蓮

荆溪游櫻桃園

珠林光萬點
紅亂野園芳
艷奪桃花彩
甘驕荔子漿
女翻雙腕白
鶯溜一衣黃
問是誰家勝
江東顧辟疆

石湖小天台同陸生施生兄弟

石橋流水碧
生涼潭樹垂
陰百尺長
一岸晚霞生
谷口羽衣如
在赤城梁

濟之怪余久歸賦雜言解嘲二首

白苧含閨怨
吳蠶五月空
但知桑葉綠
不識茜花紅
梁鴻無好興
歸及采桑時
媿汝張京兆
朝朝西翠眉

金陵覽古

南北乾坤壯
此行西風走
馬石頭城
三吳往事秋
濤急六代新
愁暮雨生
龍虎祗今餘
王氣江山千
里護神京
請看豐鎬艱
難地迴首
園陵無限情

遊觀音巖燕子磯因感梁王達磨故事

觀音高閣迥
巖扉客酒憑
陵燕子磯
山帶石城孤
寺立潮平
江國亂帆飛

故宮木葉空金盞荒渡蘆花失寶衣我亦乘風欲西逝少林秋老白雲歸

仲昭約明歲遊天台雁蕩先以逍遙衣見贈作張公善權二洞歌酬之

范生有約登翠微天台雁蕩余當歸山中鶴翎隨仙斃秋風贈我逍遙衣
衣作逍遙游歌酬縹緲句江帆昨泛東西九洞府微茫在烟樹張公乘驢
出溟渤青山迸作神仙宅幽徑杳相迷顛崖嶮如昨七月混沌開千年人
世隔一竅深懸窈窕天萬竒亂闢玲瓏石藥田丹竈香花深石林冷臥閒
雲白西峯玉女歡相招采芝濯足春潭碧人生有足何輕棄要與乾坤覓
靈異放歌醉踏荆溪船乘興還遊善卷寺磻飛白雲蛟龍巢柱燒玄火雷
霆宇探地窟凌穹蒼徘徊兩洞百骸顛狂秀乳結丹碧寶玉揚輝光下有
千丈巖峩之絕壑鳴泉百道爭赴兮忽如漢兵十萬走趙壁上有瞰空倚
天之陡巖豁豁而陰森今恍如層宮複道秦阿房老蠅爲仙石爲燕山
靈玉手寒衣裳野人衣秋烟霞結勝游瑤瑤憑誰泄茗川小范同我袍白
紵裁寄湖州雪雨盟更訂琅玕竹得吳星越心難足劉郎夢落赤城梁謝
生詩映龍湫瀑草屨布襪沾木瓢身騎鳳凰吹紫簫武林二月桃花雨月

明夜渡錢塘潮

董節婦

董節婦姓袁氏江西吉安之永豐人也年二十而夫死以姑在不從死許身以節事其姑良孝正德中聞寇寇永豐婦及姑被執婦固萬死不可辱矣又持其姑哀泣請死求賊生之會夫之兄董鳳求賊生其母亦哀泣請死賊之皆得生去同執者金生親見之云余友人胡淳爲縣永豐胡則胡節婦子也故誦節婦事甚詳節婦有遺腹子已殤殤子子名行仁節婦孫矣婦今年八十有六行仁走千里來吳會乞贈言爲大姑壽吾知壽非大母心也賦董節婦然胡永豐又曰有劉某妻羅氏者罵賊投井而死蓋同時矣

閩酋昔寇永豐縣董家袁婦遭兵亂不惟全節全其姑萬刃交前顏不變夫之母寧獨死夫之兄又請死豈曰婦人慚孝子悲辭鬼神懼烈氣金石開婦求生姑子生母一時爭死天所哀至情感賊賊斂手誰其見之金秀才董節婦節孝兩難及二十守寡逾八十寒江凍雪孤筠立有孫千里來乞文告余往事青袍濕罵賊投井死亦奇當時更有劉家妻

雨中看垂絲海棠

江花低拂座窈窕雨中枝濕翠籠芳樹嬌紅裊碧絲驪山清枝處越水浣紗時可奈風前態迷春暎酒卮

自錢塘山富春桐江抵七里灘同范仲昭

鳴榔曉發錢塘江波闊綠酒浮春釭江風吹帆三百里青山片片隨船窓山頭挂天根插水兩岸陰森那可已游郎如坐綵雲來人家盡住瑤屏裏三江烟樹曉空闊誰道龍中更奇絕陡巖嵐翠寒撲肌拂手藤花灑香雪荆扉女兒揚荷裙映柳窺人半明滅山村酒價不川錢笑滅青梗沾竹葉風波相遇皆行蘊死生肯付乾坤外采芝昨上桐君廬占星又宿嚴陵瀨

吳江舟中賦得秋懷四首

千古殘碑見渚沙闌闌山碧帶枯槎錦城烟雨迷王國江市笙歌半酒家暮冷暖離寧有劒館空西子尚餘花壯懷回首吳歛發胥水寒散暮鴉黿闕波浪接天浮憶昨江帆過石頭上國雲霞高廟晚亂山松栢孝陵秋幾朝大政從新主百戰奇功失故侯試問錦京探往事乾坤何得動閒愁豐樂重開氣象新可堪詞客轉思尊先王信有神明策此日能無老大臣

水溢河渠勞餉餉兵荒隴畝泣烟塵安危早慰蒼生望萬頃蓮花臥釣綸
受降城下素駝群幕府屯田杳不聞三輔干戈消白骨九秋烽火暗黃雲
邊疆危爾堪憂國社昔何人議戰勲休道朔方元保障健兒猶哭李將軍
席上陳群登抱幼弟桂郎向余看月

陳郎諧父執往往誦余詩抱弟燈前舞調人學語時笑看明月桂知是寧
馨兒若有羊家練淋漓醉墨遺

贈別益卿

往時慕游俠尚友追昔賢乃茲頗超逸舉世同所天況我肝膽交惜別能
無憐余歸向吳會君行入幽燕烹蓴鱸魚白馬西翩翩揮手各有期江
水聞此言

席上戲贈益卿幼子虎兒

怪是虎頭癡生兒復虎兒三年辭壯偉二尺骨權奇見客能觴酒舉余問
草詩風塵來燕領爾輩已堪疑

鐵笛歌

陳生揖家本武昌始祖以開國功官海上祖有鐵笛名鉄龍失之且二

百年矣有客自海上持來生解裘贖之制古聲烈因沽酒弄梅花調余歌焉

武昌老笛名鐵龍洪武之間來浙東江湖萬里忽相失當時哭死陳家翁
流落人間二百秋蒼龍化去青天愁子孫累世覓宗器漢家寶劍周天球
或言樵李豪家得夜夜龍光射南極十年空費陳生心購問慙無萬金直
一朝海客持相換生脫貂裘婦釵釧合浦重歸明月珠精魄似識先人面
太古琅玕輕欲折孔竅參差頭尾裂丹砂錯落水銀花苔痕蝕盡并州缺
薄如藤紙枯如木燈前三弄秋聲蹙萬點梅花灑席上夜半空山扣哀玉
羌兒虎踞鳴塞鴻怪蛟人立吹烟竹憶昔汝湘浮洞庭瀟湘片月聞黃陵
純陽真人坐黃鶴漢江綠酒傾瑤瓶飄然將笛下東海鍊龍聲斷江風腥
汝今與笛竟何適楚水吳山愁客星汝湘從戰都陽潰佩刀曾佐高皇勲
歎汝飄零把孤笛丹青竟作曹將軍半生我亦懷青蘋袖來不川生龍鱗
不如黃鶴樓前換酒聽吹笛與君醉殺湘江春

風雨泛太湖宿松陵長橋漫興

群飛鷗鷺逐鷓鴣予亦揚帆赴杳冥灑髮湖風寒氣白打船春雨浪花青

水邊萬樹來江縣雲裏雙峰山洞底七十二橋燈火亂野烟沽酒宿漁汀

曉過八圻

殘星點點照船明敲石寒爐將火生推枕坐看江市過夢中聽得賣魚聲

宿緣溪

鶯啼花落過江南溪上人家盡浴蠶無奈羅敷春欲老隔桑紅袖把青籃

同謝水部陳山人遊虎丘王進士贈華蕩酒與高家惠泉伯仲也

驚肥蕩口好茶藤朗秀嬌人醉王安却似鑑湖秋月白浣紗石上見西施

王元美分守浙西書來謂烏程酒濁如涇水黑若油也戲爲解嘲

試問烏程第一筍醉仙翻作酒家瘡三千年上探星海未必黃河是濁流

竹枝詞十二首

月出江頭半掩門待郎不至又黃昏夜深忽聽巴渝曲起剔殘燈酒尚溫

白帝城高秋月明黃牛灘急暮潮生送君萬水千山去獨自聽猿到五更

一從蕩子客長干怕說風波五百灘忽接家書心暗喜更于封外寫平安

陰陰桃李晚粧遲萬里橋頭叫子規拜月歸來人語靜金釵失在竹廊西

青桑老盡茜花開新婦看鸞波不來織得西川宮樣錦機頭先與小姑裁

楊柳青青酒店門阿郎吹火妾開樽千金贏得文章去不記當時情
蘭橈小小葉爲船蕩漾紅粧下錦川淚落清波君不見秋風吹老並頭蓮
生年十五棹能開那怕瞿唐灘堆郎今轉網桃花渡奴把鮮魚換酒來
點點流螢送落花春風寂寞斷琵琶人來寄與菖蒲葉說是成都道紙家
白魚生井火生畬女子行商男作家撞布紅衫來換米滿頭都插牡丹花
綠酒如娟白玉瓶除醺花發語猩猩竹枝歌斷人無那十家頭裏兩青
避人代語卜金錢侵曉焚香拜佛前見說嘉陵江水惡莫教風浪打郎船

俠遊行

手搏仇心血滿盃胡姬送酒菊花開朔風吹過飛龍馬弟在藍田射虎來

西湖歌

蘇小墳西是妾家門前都種白蓮花郎來好認富壚處石上苔琴覆落霞

爛溪采珠歌

隆慶戊辰夏秋時江南大旱又嘉興人多熱死則吾

鄉爛溪蚌產珠焉有徑寸夜光者有五色圓走盤者農漁雜采日

數十百人賣可累千金爲作是歌

吳江之東雙爛溪日南合浦不足奇采來溪蚌大千斗明珠歷歷開光輝

炯如銀河墮片月，群星錯落琉璃瑩。綠珠含笑胡僧歎，走盤五色西摩尼。
遂令長溪作寶市，競拋禾黍穿沙泥。老漁泗水以野，懶兒童出沒猶鸕鷀。
豈無一人二人死，藏珠剖腹心相宜。粒珠可換米，百斛朝耕夕得良。苦爲
是歲山西天雨黍，隴西地震山崩移。江南大旱珠豈無，金多穀少寧克飢。
愚民易愚哲人懼，笑倚斜陽坐溪樹。莫得良農半化漁，明年蜺蛤皆堪慮。
二范携酒過集周野人，桂花下看陳生作畫。

揚州歌四首

二十四橋邊，當壚誰可憐。粧成窺客坐，不奈數青錢。
東家女十三，西家女十五。夜半寒娘啼嫁與，并州估
羅衣束素雲繡履。裝纖玉低回，不自前含嬌。淑華燭
大編銀萬箱，廣塲鹽萬廩。我輩此鬻商，日簇紅兒飲。

晚渡西湖

西湖宜晚渡，趁得采蓮船。越女嬌吳客，褰衣掛索錢。
月夜宿西湖大佛頭寺

秋湖皎皎月冷冷聽羅漁歌酒欲醒試問秦皇放船處白雲深鎖佛頭青

清明日遊新城觀音祠

一百六日春正濃江村片水桃花通蘭橈雙飛柳底減船頭細草搖輕紅
女郎祠前美人集驕春粉黛花神泣小姑娘倚娉婷將妹佛香惹袖朝雲濕
競舍金釵鑄善財笑打流鶯映花立等閒傾盡吳兒國王驄彷彿酒無色
百年日日宜清明昨日無端送寒食眼前色界非非天烟花夢斷空遺鈿
青原寡婦哭何事日暮東風吹紙錢

賦得武夷君送陸無從游閩中

武夷之君家青山采芝長嘯烟霞間當時共赴幔亭宴琪花惹袖秋斑斑
三月東風又送汝青青楊柳西湖雨人生此別不易逢千里尋仙作孤旅
一尊灑碧錢塘江片帆掃白巖陵渚三十六峰如見君應問王生醉何許
洞天石扇多異書字法定與人間殊明年遲余九曲水談玄酌酒焚枯魚

新涼

新涼樹杪來風色動街杯簷晚蜻蜓挂籬晴蛺蝶迴一溪秋水到滿屋萱
花開無限江南意是歌聲續續裁

雨後雜興三首

秋雨欲浮村青螺上牀脚日出過東鄰船頭繫籬
野水平溪橋波翻蓼花亂斫竹編青籃門前閒蟹
溪娃逐晚涼雙雙戲簷底笑入荳花棚燒燈尋絡緯

送吳子化北游因簡童子鳴山人胡原荆御史

廣陵湖頭磨寶刀落日正懸楊子橋椎牛置酒賽河伯白虹當座開青霄
一杯萬里行色驕虎頭將軍髯紫毛彈鋏金精嘯生火酣歌忽指攬槍高
書生能筆又能箭誰堪巧飾人前面陰山六月馬走冰俠氣淋漓心一片
玉鞍斜挂單于頭血花亂灑青袍茵行行盡棄雕蟲藝駿骨還應向燕冀
壯君慷慨十三篇老我沈冥五千字聲詩字學俱微茫男兒白手爲侯王
君不見郭汾陽生平著書曾幾行笑談將相動自得道與古聖參徜徉天
征倘見胡御史傳聲勿事詞人章言官豈無經國疏驛驢伯樂方康莊天
子垂衣御春殿相公努力當乾綱此時定容直臣口願思大體無猖狂
韓稽顙亦難恃烽烟報胡塵黃匡衡劉向總憂國可宜魏絳宜陳湯相
逢燕市醉懷合若論邊塞先廟廊燕山青青易水綠有人更唱蕭蕭曲蒼

顏怪領賣文者便是當年高擊筑黃金臺下胡姬家壚頭舊典王生服我
亦嘗嗤廣武軍豎子英雄猶在目諸君此去功名成問余多恐黃梁熟
俠香亭是要離專諸梁鴻葬處爲周公瑕賦

闔閭城頭垂白雲周家亭子當斜曛後有專諸墓前有要離墳梁鴻客冢
落其畔斷碑荒草愁氤氲雄心不朽地自爛俠骨生香天欲焚灑酒澆青
天燒紙問白骨名呼千年鬼應聲如咄咄往事忽在前怒立頭上髮江風
飛劍魚噴刀王僚慶忌如吹毛誰言南人太孺子吳門氣奪秦關高出關
先生五噫去春米却慕延陵豪主人知客亦已晚死同劍俠埋蓬蒿今日
亭長生相逢擊鮮置酒非伯通當年三子我誰是著書學劍皆成空壁魚
浪蝕五車字純鉤血死秋芙蓉行將變名姓吳市酣冥冥君無擅聲價日
寫黃庭經不如剗却退筆冢酒花春滿茶蘼青君不見尊前俠香吹不了
太玄寂寞成都亭

月夜晉陵酒家

晉陵明月酒家胡百斛茶蘼不論油可道江南春色早美人十四已當壚
荆溪雜曲四首

東西二九夾孤城一點人煙雙鏡青試覓長橋斷處草花生綠晚風腥
女墻開遍白薔薇蘿葉藤花鳥亂飛耐可銅官復隱隱墨清風色照人衣
賣殘竹菌筍還來收罷蘭花蕙又開但使山田饒秫米何妨虎跡遍莓苔
郎爲茶客走江淮虎窟留儂賣野柴怪底客多茶去少紅衫典却又銀釵

冰出吳江

臘去三朝雪春來十日冰擢鳴寒玉破舟白浪花凝客夢天無際人烟樹
幾層吳江沙月暝雁影落漁燈

有誦

相思迴夢入青扉隔夜紅綃月色微巫峽行雲含雨出章臺折柳帶春歸
顰開鏡裏新沾黛笑拂牀頭舊舞衣怪得鶯鶯憔悴死鴛鴦花下又雙飛
君不見君不見若川席上戲贈晉陵朱說書

君不見蘇秦無賴子開口風濤吞萬里只爲家無二頃田播亂乾坤闔群
蟻張儀大笑世亦傾妻子休愁舌未死朱生有口亦不塵千古舊事翻爲
新掀唇擊掌變態盡能令人喜能令顰劉項興亡在頃刻喚來野鬼皆生
人棚頭傀儡影中戲英雄一往誰復眞君不見羅生水滸傳史才別逞文

輝爛草莽雄心不自成
指點星灑江漢馬遷丘明走筆端
神機顛倒莊周幻滑稽
玩世天所噴語落蘆花秋夢斷
太史弄奇左傳浮達人往往疑
春秋土中髑髏難自辨
霜寒草白蟲啾啾男兒有眼
不如瞽無端信書被
苦秦火微茫隔荒楚
稗官國史爭頡頏
迴首黃梁猶在釜
堯囚舜篡然不然
齊東野人歷歷數
玉帝閻羅老無力
白日人間縱妖蟲
撫劍四顧餘不平
且把葡萄聽水許

王元方見寄家繡達磨作

王家閨繡通仙靈
飛針走線驚丹青
渡江達磨更奇絕
五文細灑朱衣明
蘆花一枝帶烟色
峯鬚蹙蹙懸雙睛
晴光熒熒衣欲舉
左看右看皆如生
草堂忽墮綵雲片
秋空突降西天僧
飄足江心破江水
回首雙峰夾驪尾
生平好佛失真佛
咄哉梁王真餓鬼
佛家變化不可測
一絲半縷皆靈宅
陡覺神遊蔥嶺天
依然影落嵩山壁

黑雪行苦旱遣悶

去冬地動雪五尺
中有黑花灑如墨
春來陰霾晝昏
夕雪霰淋漓雷電逼
識者已知今日災
連年苦水旱復來農
時竟月無滴
雨愁窮四海愁
三白

量田督課造苛法等間瀝盡蒼生血禍根雖斷冤未開毒沴燒空山斗裂
驂乘猶然能赤族郿塢金珠散空谷折檻諸君歸且官傷哉不起劉安福
死多枉殺生不生願調和氣迴昇平眼前得失倏已見當權可不憐勲名
千秋事持問評短歌擊天鼓天澤何時普桔槔響千村青苗落焦釜人
言旱荒悲還勝水荒苦水荒猶有草可食水荒猶有魚堪罾十家九家空
若焚筋骨脂膏填赤土欲質無衣債無主富兒有米不能賈此其何時急
舊通酷逾亢陽猛于虎拋却火浣衫爲把龍鬚塵憑誰吐絲綸憑誰作霖
雨安得甘霖蠲詔和井來盡使枯氓醉天府醉天府歌且舞吁嗟嗟誰父
母

看梅後從太湖出吳江歸爛溪一路桃花盛開口占紀興

千巖古樹幾浮槎散盡寒英起暮霞百曲清溪歸亦好五湖春水徧桃花
上巳日將入西湖看桃花道遇風雨返舟溪上時左虞亦阻洞庭
梨花之興却簡

雨絲吹綠漲湖天狼籍花期逗酒船莫笑桃源春水斷梨花也失洞庭烟
范伯楨仲昭兄弟失西湖桃花之約口占寄惱

纔看藍綫又花開轉眼飛英墮酒杯茗水菁山亦無賴東風不送故人來

烟月滿江漁火寒一聲孤雁下蘆灘隔天總有家書到水碧山青不耐看

巴西估棹同行劉客

巴西估嗟何苦大妻生大兒隨娘住隴西小兒隨小娘巴西爺自將八月
賣茯苓携兒下金陵疔痢六月歸埋骨蕪湖汀爺年六十九兒年十三四
不知異母兒肯念同爺弟買棺不必貴買貴傷兒財費少用或多剪紙燒
錢灰魂靈報汝母先婦滯瀕堆兒婦來兒婦來

風雨過鄱陽湖口望大孤廬山

亂山爲縣鎖長江江口湖開萬頃蒼湖上孤峰鏡中黛楚風吹雨一船涼

石鼓歌

嗚呼倉頡莽千古卽生史籀亦塵土太學之東孔廟門何得乾坤留石鼓
奇珍歲久魂離魄古文斷落增艱澀野禽剝薜枯皮蒼山蟲蝕土朽骨白
日照猶看星斗移雨來恐有龍蛇出當年此鼓流陳倉駱駝欲載周文章
貴如鄣鼎宜在廟祭酒却謂韓生狂後遭鄭餘稍顯異宋家始能歸大梁

黃金填宇石所醜靖康離亂鼓北走埋沒胡塵二百年或落農家春作日
文皇有意置成均敕使鬼神永訶守我曾捫讀慨風懷長揖宣尼酒杯酒
周宣昔狩歧陽時籍文爛燬天王辭石鼓隱見不可測佛龕遺字爭傳奇
大篆分流及蔡氏作者日下江河甲嶧山火迸秦王石世間墨本空棗梨
鍾王亦似涉靡麗忽瞻石鼓興慚悲時乎通變聖不免工王我避皆其微
但願君王重吉甫朝廷再祠中興碑石鼓文工作王我作避

震澤普濟寺觀古楡歌

沙門老樹驚奇崛四百年來青未歇氣交古佛通精靈命落殘碑題歲月
皮爲黛石根爲鐵琥珀爲脂玉爲節曲柯倒紐上下錯失梢反拘東西掣
扶踈入画画不成苔痕膩蝕雷神結雨餘細葉浮烟出新枝舊枝宛相斲
飛天仙女生綠毛墮地驪龍蛻蒼骨西方雙樹何時分婆娑獨立南江濱
寒色虛搖五湖月清陰薄灑諸天雲忽漫星樞過空澤酣歌樹底流光碧
泰亡爭笑大夫松蜀破空憐丞相相信是僧家佛日長貝葉曇花幻今昔
昔者火燒闕里楡仲尼寂寞斯文墜今來風擊虞山枝言游慘澹文章廢
儒林喬木奈如許野寺孤根聊酌汝

采石磯弔太白

插江采石三千尺何處蒼苔酣李白乘風夜上金陵船官錦袍明浪花赤
天子將袍覆酒仙沈香亭下百花前幸臣脫靴紫貂恥貴妃捧硯青娥憐
詞成投筆六宮羨教坊回首新聲傳一斗百篇猶未半零落風騷走江漢
夜郎逐客潯陽囚一片青山魂爛熳山頭問月呼蒼旻咲傲萬古空無人
古人既往君亦去盃中舊月年年新古今一明月大化同精靈人間傳羽
蛇天上縣才名椒漿酌君還自傾釣磯采采如飛鯨安知太白不在此江
東忽見長庚星

汨羅潭弔屈原

楚山逆斷楚水寒靈均死作青琅玕酒星西墮弔冤魄白雲亂點秋江蘭
蘭花嬌掇湘夫人竹枝細奏雲中君吳鉤拂潭潭噴雪碧空孤雁流斜鱗
衡岳爲几洞庭爲杯羞鵬鵬釀海三酌楚材霞開薜荔夢欲落月出芙蓉魂
忽來轡車翠旌颯如雨星冠玉衣攸猶女女嬃揚靈宋玉嘯慘澹離騷映
江渚含悲投我辛夷簪北斗迴杓振南呂蒼梧冥冥帝何許鬼火青青燭
骸語上官子蘭生不入荆王客死飄游塵孤臣荒冢是魚腹明珠怒發驪

龍鱗逆鱗難批光易覺七竅之心翻自殉
問自君騷被瀟湘天詞人哀怨無窮年文章
殘編功名千態空言久二儀七曜更相壽
歸與揚雄賦反騷徐卿復反反是非靡定
醉遠遊且學神仙蛇醉來一曲滄浪歌天
公其奈漁郎何

東海游仙歌簡王學士元馭王中丞元美

曼陽仙子王家姑幼從節烈參虛無七年服氣絕烟火玉樓明月寒冰壺
清光射天天欲圻列宿群真自相追德虛密詔五千言語落天香翠綃隔
塵上非時荔子紅空中當畫霓裳白一朝丹就扶桑曉海東家近蓬萊島
空持星劍右揮塵芙蓉之冠簪七寶靈蛇故繞飛昇臺彷彿茅龍與青鳥
歌成混沌謝蜉蝣吹斷琅璈人世小丹霞一縷通紫京瑤華雙頰桃花明
九月九日金母宴西池使者迎飛瓊手碎萬衆灑然去青蓮擁蛇秋蟬輕
是時余坐蒼龍嶺獨鶴橫空見仙影黃菊杯搖赤羽幢知是天台籍新選
玉堂學士本仙吏怪得金闕出靈異女且聞班玉帝宮眼底英雄齊奪氣
仙機縹緲人不聞秘訣乃授瑯琊君文章信有神仙骨漆園似吏才如

許晴謫地爲酒狂狂余落魄希蒙莊采真方寸成丘壑五嶽真形醉裏藏
自從子爵縱山後往往仙人喜姓王縹緲仙機何不有咲倩瑯琊問南斗
方平昨得麻姑書五百年來別未久它時相見崑崙巔滄海桑田幾重九
帝夷先生只好瞻東方小兒善盜酒

胡馬來

胡馬來我馬回胡馬何驕我馬顧我弓不及弦我衣不皇甲白梃足挂汝
何用兵與鐵不戰屈人理或有血光夜照居庸口朝廷肝食天子憂漫謂
將軍屯細柳不願交河水胡馬不得行但願陰山雪胡馬不得越滄浪之
天寧可知胡歌滿地胡兒歸得胡一首金五十得胡十首官三秋民間謹
言功采真死者旣死誰爲情封侯在命不在勲衛青李廣皆徒云君不見
尹吉甫仲山甫爾外門我內戶魏相任何人而師而田不足武胡馬來勿
復啼沙黃草白江日西

頌戎政嘉謙一首

蔣謙字益卿南通州人嘉靖乙丑進士以右都御史總督薊遼召任戎政
戊戌七月病卒兵部尚書益卿偶儻任俠以邊才自負爲薊遼兵備巡

行至一小堡從卒百餘人虜大入薄牆下益卿命大開堡門張黃蓋坐城樓下爲指麾調遣狀虜疑有伏引去其膽智如此與承父諸人爲意氣之矣兄事承父老而益虔萬曆中海內縉紳稱個儻雄駿者以益卿爲首

遼陽行寄王子勾

八月遼陽北風烈萬樹秋濤捲黃葉青天淨洗浮雲空朔漠一掃胡塵滅幾回回首江南遊題詩却憶三年別三年別君音信稀故人念余余更切吳江雙鯉到來頓遼東孤鶴南飛絕客路年年揚柳枝笛聲處處關山月關山月明長相思楊柳枝青不堪折神通已會千古心對面徒多一腔血此意昔年曾告君世上交情豈堪說丈夫須爲汗漫遊怪爾區區守吳越渤海銀魚一尺鮮閭山白雪十尋結貔貅轉戰陣雲黃麋鹿成群獵火熱厨中況多蕞苴尊浮來色賤蓮花鉄獻技胡兒弓力強竹觴胡婦知聲咽思君共飲夢悠悠安得君生兩飛翼

沈記室明臣

明臣字嘉則鄆縣人少爲博士弟子數奇不偶胡少保宗憲督師平倭偕徐渭文長辟置幕府少保豁達好士微有酒失善嫚罵嘉則益奇不少阿

咄少味遙望見爲起立嘗譏將士爛柯山上酒酣樂作請爲饒歌十章援
筆立就醺酒高吟至狹巷短兵相接處殺人如草不聞聲少保起將其鬚
曰何物沈生雄快乃爾命刻石置山上少保死請室中嘉則走哭墓下持
所爲諫徧告士大夫頌其冤狀已而挾策走湖海往來吳楚間粵閩年七
十餘死于里中先後誦詩七千餘首今之行於世者爲豐樹樓詩選凡四
千餘首萬曆間山人布衣豪于詩者吳門王伯穀松陵王叔父及嘉則三
人爲最王元美繼二李之後狎主詞盟引同調抑異已謝茂秦故社中老
宿有違言于歷下則合從以擯之用以立懜示威海內詞人有不入其門
者不奉其壇墠者其能自立者亦鮮矣伯穀才名故與烏衣馬叢相頡頏
叔父早多貴遊嘉則晚依宗衮三人者其聲勢皆足以自豪元美與之雅
故年異同離合之間夷三君於四十子而登胡元瑞于末五子雖未能一
切錄其用意軒輊猶前志也徐文長獨深憤之自引傲僻窮老以死終
不入其牢籠於論謝榛詩見志焉去之八十餘年詞選之隆替盛衰作者
之風氣上下歷歷可以指數識者亦可以論世云

林塘何處好，獨有前溪路。笑語隔花聞，謠聲連水度。
謠舞向前溪，前溪明月裡。莫道春夜長，春光似流水。
春水前溪長，春雲綠樹齊。門前車馬散，正及曙烏啼。
前溪浣紗去，花落污春泥。騎馬僮邊過，見郎頭自低。
汲水向前溪，空瓶僮自提。郎家溪上住，只是隔東西。

子夜四時詞

東風吹月出，照見妾家樓。蕩子從戎去，邊霜尚滿頭。
河漢青天轉，空房丹鳥飛。汗從郎背拭，香是隔年衣。
桂影團團月，芙蓉葉葉霜。擣衣過夜半，幾日廢流黃。
凍折銀瓶水，塵枯寶瑟絃。非關妾無夢，妾夜幾曾眠。

楊白花

漫天無奈白楊花，何處飛來入帝家。清夜踏歌愁似海，月明宮樹但棲鴉。

閨怨

鏡中容貌本如花，內裏分明敢自誇。一夜爲君憔悴盡，莫令終日廢鉛華。

春怨

獨抱琵琶西向秦，誰憐妾是斷腸人。
東風吹綠新楊柳，嫁得蕭郎已過春。
宮詞二首

晚涼風度玉池香，看盡歸鴉入建章。
妾貌不如蓮樣好，莫將明鏡比寒塘。
綠滿南園桑葉肥，風光欲盡柳花飛。
妾生不及吳蠶死，留得春絲上袞衣。
闌思

花滿汀洲燕子飛，綠楊微雨画樓西。
殷勤寄語傷春鳥，莫近郎君行處啼。
遊女曲

蓮態嬌姿葉蘭麝，宮前風柳腰肢借翠盤。
流雪珠衣卸歸曲房憐，夜短惜春長。

采蓮曲六首

生長江南慣采蓮，棹聲裏闌嬋娟。
十三年相亞覆額低眉各可憐，
荷葉蓮枝水面齊。采花歸去夕陽低，
綠蕪一道分南北。猶有謠聲繞大隄，
少女明珠出采蓮。雙頭並蒂獨心憐，
不知金釧何時墮。空手來歸意惘然，
白面紅妝二八春。藏羞不肯過東隣，
偶從綠水橋邊去。誰道荷花妬殺人，
月照波紋似鴨頭。一船雙槳蕩中流，
采蓮不道羅裙濕。歸時雕窗夜不收。

妾在江東郎在西采香曾到若耶溪同行女伴低頭說淚染新紅白亭衣

采蓮童曲

小童玉不如手攀荷葉嬉鴛鴦驚起去花下女兒知

春闌曲

半晌開門舉步遲東風吹柳亂絲絲年來難說宮中事却道西施不画眉

勸君杯

玳瑁釵頭金鳳低淺黃衫子剪銀泥麝玉寒香方二八倚市招郎兩相躑
逢花采之須及新莫待花殘空怨春人生有酒不肯醉醒者何曾獨千歲
勸君堂上且銜杯春去一年才得回

雲閣薄遊功三首

大將曉臨戎偏裨夜報功自矜文字貴不重虜塵空
坐籌紆廟畧立道是邊機但拜封侯印何曾着鎖衣
虜漢不交兵都言化理平正逢冰相怒不敢報軍情

少年遊

少年裘馬騁春遊直指金鞭過五侯淥水桃花臨廣岸画欄楊柳壓青樓

少年行

寶馬驕嘶引少年青絲鞵地鐵連錢錦街十二春風起吹得楊花滿繡韉

夏夜曲

月白金鋪水閣開夜涼星漢在瑤臺佳人自度前溪曲聲入荷花風裏來

凱歌

銜枚夜度五千兵密領軍符號令明狹巷短兵相接處殺人如草不聞聲

蘇州歌

闔廬城外木蘭舟朝泛橫塘暮虎丘三萬六千容易過人生只合住蘇州

綠衣

綠衣公子莫驚猜挾彈驚過戲馬臺寄語東風休著力瓊花依舊不曾開

前艷曲二首

翠被憑誰攜鄂渚巫山空自說行雲若將花比君顏色花爲東風減十分

靈和殿柳欲三眠吹盡東風未著綿張緒不來腸已斷小樓無賴夕陽前

湘水巫雲曲

湘江之水巫山雲朝暮相思那得分渺渺高堂愁玉女斑斑楚竹恨湘君

湘君巫女知何處，水中月色烟中樹。只解春來幻作花，不解花飛沒春路。
陽臺故道竟微茫，黃陵古廟久荒涼。鴛鴦錦水偏齊翼，鸚鵡芳洲空斷腸。
斷腸復斷腸，問君苦不苦。解珮江邊憶楚妃，采蓮渡口思交甫。草色如天
染綠塵，楊花似雪撲青蘋。水爲帝子眼中淚，雲是襄王夢裏人。夢裏眼中
俱不見，非煙非霧猶相眷。十二峯頭画不成，三湘七澤俱流遍。承得蘋花
不自由，更何人共木蘭舟。曲終歌罷誰無淚，水遠山長空獨愁。天邊鴈玉
雙雙起，茜紅裙色誰家女。欲言不言來不來，雲不成雲雨不雨。煙波盡日
浩空津，明月當天似鏡新。曉能良夜偏忘夜，若箇逢春不怨春。怨春愁夜
何時歇，歲歲春魂化啼鴂。鵲鵲啼，破九疑天王孫泣斷蒼梧月。

蕭舉別業竹枝詞十首

越江春水綠如羅，雙女祠前發棹歌。大宅北郊橫鮑守，野橋南渡接陳婆。
青黃梅氣煖涼天，紅白花開正種田。燕子巢邊泥帶水，鷓鴣聲裏雨如烟。
田小三郎唱得工，七姊妹花開欲紅林。靜三更鷓鴣月，溪屋一陣鷓鴣風。
門前竹大笋成苞，江上潮來草没沙。村童探鼓綠楊樹，野艇勝魚紫楝花。
東村西村姑惡啼，家家麥熟黃雲齊。春蠶作繭桑園綠，睡起日斜聞竹雞。

雨過高田水落溝。瓦橋魚上柳梢頭。梅子青酸鹽似雪。櫻桃紅熟酒如油。
呼雞逐婦總堪憐。時雨時晴各一天。厨割小鮮來海市。菜添新饌出江田。
烏桕紅紅生穉葉。紫蘭茁茁吐新苗。龍鬚綠折風前笋。鳳尾青添雨後蕉。
園中高樹鳥分窠。門外小池錢貼荷。曉散烏鴉千點細。晚歸白鷺一行多。
麥菜豐肥客可餐。棣花鱗熟子盈盤。家家鍛磨聲初發。四月江村有薄寒。

若耶詞

嫣然越女勝荷花。蕩漾輕舟過若耶。紅藕牽絲風欲斷。綠楊掠影日初斜。

采香謠

吳姬十五采紅香。幾陣風飄羅帶長。蓮子池頭青簇簇。低飛只恐碍鴛鴦。

夏宮樂

臥起丹綃畫漏遲。傳宣又作納涼期。微風桂樹千秋殿。明月荷花百子池。

曹氏姑

尊前相見重咨嗟。江上芙蓉幾度花。記得春風吹綠髮。小桃籬畔是君家。

西湖采蓴曲二首

西湖蓴菜勝東吳。三月春波綠滿湖。新樣越羅裁窄袖。看來人說似羅敷。

十八郎君二八娘采萍相見手生香
妾未嫁人郎未娶倩誰和作兩鴛鴦

報恩人二首

泥書纔報白頭親又向黃沙作逐臣
身未拜官先上疏如君真是報恩人
臨風一讀淚千行底事封書大慨慷
海草茫茫邊月白不知何地賜投荒

子夜歌三首

一曲春風子夜歌相望只是隔銀河
梁間片月盈盈水不照郎君照妾多
兩曲紅綾子夜歌鴛鴦夢醒較誰多
合歡不是裁縫狹織女機頭少一梭
三曲行雲子夜歌不禁朝暮眼前多
雙星合處偷看月到得儂邊沒絳河

遊張公洞

昨日遊善卷已謂天下無山川
今遊張公洞千驚萬怪疑爲夢
嗟我壯心欲與山爭雄大肆筆力天無功
乃今欲著一語不可得始知天地之勝
有茲山鍾我昔探禹穴又曾躡武夷
武夷峻削禹穴古那如此洞幽而奇
張道陵奈爾何何年到此騎青螺
我今呼爾問踪跡爾去人間爾誰識
丹爐無火石牀寒唯有空山萬壑石
萬壑之石何纍纍幻形變態將胡爲
造物無以顯靈異故此劇戲令人疑
山靈欲閤閤不得天公爲之驅霹靂

斧劈破神鬼愁遂令萬古清霞坼戶闕前開後通竇暗中的一線青天漏離
奇詭怪萬狀陳寶藏龍宮與天闕兩崖歎不愁攀援側身却走脚在肩餘
訝崢嶸亂撐柱把炬自照行難前石色黝然堆古漆膩滑十步九步失半
驚墮落千仞坑又詫飛騰九天窟燈滅燈昏只尺迷萬轉千盤無路出丹
砂夜照鬼燈紅自有乾坤無白日割然一隙通天明羅列萬戶排層城頽
足大洞石不縮是誰槐碎瓊樓傾長脚飛來駕巨轡脩簷掀突歎朱檻橫
撐面堅立糾結纏綿雜沓皆相成玉柱墮地不到尺嵒棟插天懸半壁寂
寂閉門閉落花開如綺戶迎仙客險逼重關鎮華夷嚴同帥府森戈戟石
乳線結千年苔又如五色蓮花間佛手擎雲不可摘玉芽迸筍何人栽蜂
房簇擁參差向短者五尺長者丈低張白玉雲母屏高舉素錦芙蓉幃盤
盃積水寒玉膏掬之洗眼明秋毫恨無金丹煉紫石出門空歎朱顏凋
悴乎平生之性嗜登陟茲遊信足償吾癖二挂萬漏不敢辭聊著狂言作
遊籍只恐五嶽之高徒在青雲中猛然欲去無長風不如坐石投壺喚玉
女把酒一醉酬張公

送昌山人中父

與君同庚復同里四十五年才識爾
和見翻憐在異鄉相親頗覺如兄弟
君家奇錫忘急難我家堂前紫荆花
一言一哭一聲悲君淚如珠我如水
卽今別我去何方自言只在乾坤裏
乾坤茫茫海岳長那得扶搖大鵬起
昔年嘗走齊魯間紫霞高冠白雲屐
兎園上客比鄒枚長揖侯王傲天子
俠骨能令壯士香高懷可使狂生耻
酒酣詞賦欲凌雲墨客騷人盡披靡
歌聲振落太山雲夜半登巔脫雙屣
醉擊秦王無字碑長嘯大呼曰你
你是秦人爾汝稱漫罵祖龍何有耳
君乎豈是浪遊人墮地何慚射弧矢
豪傑生身天地間只合從天任驅使
而今落魄不逢時豈肯低眉窺指

孫禹錫谿上雙藤歌
谿之北名曰藤谿

溪上古藤如許大不但一株且兩箇
蒼皮萬尺病蛟纏白骨千尋老龍蛻
正值新春未作花斜盤亂結蔓如瓜
穿黃裊綠蚬不解走隙穿虛蛇入窠
圍環組珞無不有微索纏綿紛人右
低從九地飲黃泉高入五雲吸天酒
根強五石甕盤泥枝聯千手佛攀梯
霧翳碧油幢蓋密風聞翠幌洞門低
仙八宛矣乘風御公子遙張青錦駐
花繁葉簇鱗鬣獵獵風雨初來欲飛去

奇柯忽引上青天絲繩牢綰堪秋千夕陽靜照百戲舞紫絲步障流春烟
丹霜夜染楓林下赤虬巧向秋空挂我欲據此彈箏篴人不敢窺山鬼怕
最愛水邊連理樹夜深曾有仙姬遇桃花不見武陵津昔日相逢竟何處

上灘行

新安新安江水連三百六十灘在天新都縹緲高若懸上灘三老分青錢
崔嵬百丈牽紫烟狼牙虎鋸刀劍全鉅者利齒小亦拳雪浪濺人雷逆船
篙師著篙篙欲千一尺一步寸莫前白日欲黑眼欲穿啼猿斷壁聞哀絃
誰家獨住青嶂邊十月花開紅可憐一聲鷄叫層雲巔

大樹村劉氏少婦打虎行

潤州城南山簇簇四月麥黃桑柘綠大樹村頭劉氏居短牆幽院麥差屋
曉炊未罷日始高率地猛虎來咆哮老小出門盡驚走犬亦吠虎聲嗥嗥
虎聞犬聲急轉步一口斃之如搏兔欲從虎口奪狗還老嫗抱孫逢虎怒
劉家少婦奪老姑氣猛視虎如匹雛手提鋼叉刺虎目虎血濺面紅模糊
昨從大樹村前走少婦滌場猶舉首弱體孱然花不如徐家女子劉松婦
虎丘看月行

中秋看月何處好除却十洲與三島東南勝事說蘇州最好從來是虎丘
虎丘十里遙連郭錯落青山盡樓閣千年霸氣劍池寒一片清光水晶薄
通國如狂歌舞來木蘭載酒笙簫作男女雜坐生夜光香風鳥履以交錯
謠吹香風真可憐三三五五各成筵千人坐滿千人坐千頃雲浮千頃烟
月華未冷羅衣濕白露如珠白蓮泣白苧歌終子夜興烏棲曲緩鳥啼急
姣童似玉紫英悲艷女如花韓重思千秋死魄還生氣一夜香魂枯骨知
香魂死魄知何處明月在天人在地天上人間一種情桂花合結相思樹
嫦娥亦是獨眠人牛女年年一問津誰家少婦今宵裏搗盡寒砧秋復春

何處

何處放船好水深雲欲低流漸莎草上落日布帆西雨脚只在樹鷗飛不
過溪買魚炊白飯醉聽猿猿啼

越中

樂遊何處好最愛越中山人坐午溪寂鳥眠秋水閒雲橫獨樹上雨在數
峰間欲作蘇門嘯蒼茫不可攀

偶題

何事西王母
取來謁聖君
仙燈懸鳳髓
天馬照龍文
甜雪噉州貢
雕鐘聒
澤聞一時行
樂處千古恨
浮雲

抗首

抗首望西秦
朝廷急用人
王開疎控扼
紫塞滿荆榛
痛昔籌邊賦
嘉靖間
國事日非
後繼日強
錫衣前經
歷沈煉有
韓遜賦語
甚移而甚
精則
王二月乃
今則敗義
不知所終
云火憐君
侍從臣誰
爲謝安石
談笑淨胡
塵
除久從子
箕仲自燕
回有作

故衣相看吾與汝
悲喜數年違
故衣相看吾與汝
悲喜數年違
故衣相看吾與汝
悲喜數年違

渡峽江

雨後趨官渡
春陰野望迷
江渾諸水聚
雲雜亂山低
樹濕鶯猶困
風酸馬
自嘶王孫行
處草無奈故
萋萋

張二吉父哀九齡秀才携酒至吳山館

桂館諸峰上
蘭樽二妙來
大江開夕照
陰磴積秋苔
蟬響流風急
蟬聲隱
月哀所嗟人散後
鄉夢只東回

野泊

野泊投村店人烟聚一沙月搖江作練霜落樹生花近海吳天盡穿溪卻
路斜流年與流水應自笑無家

過巢湖

臘月湖波穩乾坤自混茫烟霜滿四澤水氣隱三光盡日聞漁鼓高雲辨
雁行孤舟兼晚歲去路總他鄉

過高郵作

淮海路茫茫扁舟出大荒孤城三面水寒日五湖霜波漫官隄白烟浮野
戍黃片帆何處客千里傍他鄉

行樂

行樂湖南樹清陰爲颯然微風荷葉上乳燕杖藜前草合幽人路花深病
客天所知良可待獨徃信孤煙

尋僧

久臥不知絕尋僧出野行岸花紛委露溪竹半侵萍力倦逢人歇林昏到
寺明小橋斜處立波與夕陽平

訪金三子坤

荆屋蕭蕭晚秋陽照土墻
荳花初帶夾杞子未經霜
原憲非君病琴張是我狂
相逢只長揖一笑據胡牀

秋深

今歲氣殊暖秋深黃葉無
雲常蒸遠嶠天只到平蕪
月不憐人老風難與病蘇
癯然山澤骨蚤已要人扶

至目馮子喬宅分來字邦憲病不與

百年能幾聚至日且銜杯
江郭連深霧庭花見小梅
書雲詞客坐添線美人來
却憶同心病難將笑口開

送王博士之括蒼

握手送王郎之官向括蒼
青山連關路流水下錢唐
春葉迷衙舍秋猿雜講堂
坐看嵐氣滴日出院衣裳

送張丞繹赴睦下邑

君向嚴陵去雲移西舫低
驛程疎雨外山色大江西
訟簡知花落官閒聽鳥啼
却忘身是吏隨意坐青溪

別母

老母三年病兒仍千里行秋風吹地冷山月照霜明未別淚先下問歸誰
應聲厨頭有新婦數可問藜羹

寄方三十國華

栖栖布衣者誰拂帝京塵獻賦于明主微言諷大臣雖云不得意已作有
名人不携妻子歸耕海上春

送周象賢赴襄國左史

送君芳草路落日且徘徊倚相元宮楚襄王故愛才地當巫峽盡天人漢
江迴莫學長沙傳湘纍巾不回

茲遊

山水平生願茲遊亦偶逢溪青石五色山轉路千重片雨孤峰入餘霞衆
壑濃灘聲風浩浩花氣草茸茸波動將崩石雲浮不盡松瀨船牽月上水
碓雜雲春宿傍魚龍窟行隨虎豹蹤同行攜鄰老目遣面芙蓉

水客謠

月黑山精嘯林深木客哀聖人常細寓土木未爲灾卜洛安元龍居中控

八埭農窺王室起十識帝宮魏明殿洞秦方章華浚楚才滌陽萬作柱罅
谷樹搜材錦柏葱鬱山香瓊閣海來足工輪大巧神力逞奇才木理雕龍
製梁文紫鳳裁璫璫風自觸簾錦燕空猜複道山河盡觚稜日月迴鈴聲
聞自里塔影挂三台井幹天爲半昆明海欲回遊宮宵避月飛殿畫行雷
浴散胭脂水香飄寶屑埃池荷夜斜發室鏡火齊聞不道越兵至誰憐楚
炬灰高明鬼自閤綺農禍先媒勿以爲靈沼中人龍露臺堯桀元不斷禹
室同卑哉

梁王臺

日落梁王臺臺空映江水江水流不流只在鐘聲裡

舟雨

溪行日日晴孤雲忽然起獨坐水際中不知蓬上雨

江夜

起坐並汀花空江月自華一帆深夜渡分月過前沙

春盡日劉道士房

偶逢春盡日飲酒到斜陽再過丹房裏青山酒更香

江曙

曙光初破水穆穆見江波小艇穿花入因知浦淑多

謁于肅愍公墓

空山下馬謁荒墳寢廟豐碑禮數尊敢信不移鍾鼎日便忘歸賜錫鏤恩
松楸永閔孤臣骨天地長依九廟魂門戶誰憐房杜少守祠間說有雲孫
登明州郡城樓

縹渺高樓倚日曛萬山寒色大江分橫天中斷疑爲雨截海東來半是雲
老尉亭侵龍女廟官奴城對鮑郎墳登臨細數前朝事謂有黃晟領冠軍
仙泊胥江同君房懷古作

胥江漁火夜燐燐謁罷吳趨亦滄神廢苑空洲長是水犀廊無草不知春
滿城明月烏啼樹一市秋風鶴引人古往今來唯有恨算山青滿白嶙峋
瓊樓

天上瓊樓十二闌莫將容易比人間風生漢帝延涼殿日落吳王銷夏灣
羽檄遙浮瀛海至鳳笙輕度縹雲間南威在御西施醉先卷珠簾待月還
搔首

今古浮雲亦自憐中原搔首望和連長城北繞千秋塞大夏西開萬里天
碣石宮前鹽作海玉門關外酒爲泉秦皇漢武元英傑莫道年年但戍邊

調鳳臺

漢帝初平四海回大風調激楚聲哀彭城王氣千年足苦碣寒雲萬里開
父老只知亭長去山河都屬沛公來故鄉驩飲無多日泗水依然進舊臺
長卿明府具樓船泛泖登塔同開之吉士履善長史事在己卯七
月望日二首

白鶴乘風浩蕩前錦帆飛處坐青天綠虹跨海驚橋斷寶瑟沉雲咤水懸
龍睡未深生畫雨雞聲忽起破秋烟黃茆隱約青林外半是流蟲種田
中流歌吹藹紛紛水底魚龍不敢聞笛裏梅先明月落帆前山與夕陽分
溪荇晝濕空江雨寺柳晴搖別殿雲諧諧不妨沉醉後曲終錯喚小馮君

楊花三首

連臂謠殘楊白花恨它飛去向天涯漂零幾處王孫路惆悵無人帝子家
小雨旗亭沾馬濕夕陽江郭送帆斜樓臺側畔休穿過黏著蛛絲惹惡嗟
隨風飄泊轉霏微似雪輕盈妬落暉倦蝶欲憑香夢合游絲空逐斷魂飛

化萍雨後魚鱗細
糝徑苔前燕嘴肥
最是傷心三月暮
長途客淚共沾衣
廢苑荒城古道邊
輕如野鳥渺如煙
無風亦自漫空轉
有月應須闌露妍
謝女繇來空詠雪
少陵何事却怕髭
飄飄欲託人間世
其奈東皇不受憐

中秋夕夢中得句醒而足之

無端秋思枕前滋
夢落青溪白石祠
去路似從桃葉渡
和詞多是竹枝詞
破中蘇碑字蝕無人讀
廢井銘存有客知
幽事最多難記得
綠波深處美人期

重過錢子愚園中用壁間韻 四月廿八日

重來却怪舊遊稀
綠滿郊原杏子肥
翠幄晴驕微雨色
青溪陰借夕陽輝
花藏數蝶驚人散
燕領雙雛傍客歸
一夜鄉心生白髮
越王臺下杜鵑飛

江上

林間江上絕風塵
自向支離笑此身
坐石任它蒼蘚澗
閉門時許白雲隣
一枝秋色聊當座
萬里青山不寄人
管領乾坤開日月
杖藜高過小烏巾
顧仲方閣中留別同張玄超
莫雲卿殷無美分冬字
片帆東去水溶溶
徹盡春袍憶舊冬
知己天涯幾行淚
隣僧江上數歸鐘

到家楊柳當三月別處美客是九峯爲汝相留猶未發燭花今夜故重重
從大司馬胡公過睦州道中即事呈徐文長記室

祇城全在翠微間九疊屏風繞郡環紅樹作花欹粉堞白雲如面寫青山
戴村人共秋空遠巖瀨潮隨暮雨還自笑無才起幕府也從車騎得乘閒
宿福山港候發

戈船一片壓江流候曉乘風快遠遊古戍秋花千浦月荒城楊柳數家秋
傷心戰地風前草極目飛鴻海上洲河處笛聲當夜起軍中行樂似邊州
中峯寺

樓閣翠微間鐘聲白雲裏尋僧秋日避落葉行數里

送人之南都二首

金陵曾向酒家眠十五當爐不數錢紅版橋頭明月色娟娟猶在玉釵前
踈踈秋雨秣陵寒白露初高葉未丹欲寄愁心無處着濕君衫袖到長干

萬曆五年春有獻五色鸚鵡起有詔入之恭賦二首

日南遙憶隴天長丹喙能言五色裳上殿雕籠新詔入西昌愁殺雪衣娘
日御文華說五經鳥言雖巧未曾聽長廊上苑東風裏寂寂無聲對面屏

瀟湘一夜雨

九疑山色望來空客夢家山夜雨中無奈鷓鴣啼到曉黃陵廟口落花風

洞庭秋月

小落天青萬里波洞庭秋色月明多不知何路長沙去只唱三洲估客歌

漁村夕照

不知誰唱白銅鞮楊柳村邊卽大隄欸乃一聲風斷續打魚人背夕陽西

呂生吹笛作此別

倦倚繩牀月上遲自將橫竹向予吹秋深楊柳不堪折況復明朝欲別時

過崑山

桃花楊柳共西灣曾唱菱歌帶月還春色茫茫今莫問滿城烟雨過崑山

歸鴉

歸鴉數點晚霞鮮近接平蕪遠接天記得小舟雙挂席闌廡城外酒樓前

柳

秋深柳上一經過蟬舍魚罾處處多野屋無烟空綠樹夜風天畔響寒波

黃山懷仲房

碧山霜月負吹笙流水空爲石上聲白髮茫茫竟何事逢人莫遣說長生

武陵庄

青精作飯紫萸羹飽後微吟水上行不道空山曾有寺隔溪風送午鐘聲

山陰道士乞書

天予不是石室書書罷無鵝意自疎賣扇橋頭逢酒伴王婆店裏炙枯魚

青溪

窈窕青溪盡日尋雨收風歇翠沉沉一雙燕子翻花出始覺人家住隔林

夜坐懷顧益卿按察

高雲南去夜郎低萬里秋風過五溪玉笛不吹江水綠美人猶在月明西

寄題長干美人趙昭陽之作

輕盈掌上艷陽新再覩昭陽殿裏人誰說六朝金粉盡一身當得秣陵春

語見溪

春風來過禦兒溪野雉低飛麥浪齊一片桑麻天氣綠養蠶時節鷓鴣啼

靈巖山

簾櫳空香徑微千年往跡故應非青山花草斜陽下唯見殘僧晒衲衣

過文長故業作

水蓮巷口夕陽斜細雨東風濕杏花
欄字堂前雙燕子不知今日屬誰家

呂山人時臣

時臣字中父鄆縣人早歲稱詩先于沈嘉則避仇遠遊歷齊梁燕趙間十
年客食諸王門下旅寓章丘與李伯華論詩詞伯華曰詩必唐詞必元在
章歷三時詩詞大變至青州客衡藩衡莊王愛其詩爲刻甬東野人藁晚
客濟藩藩宣王禮之亞于謝榛年七十客死河南涉縣魯王孫中立序其
詩曰山人鶴骨癯癯若出衣表貞介廉潔不妄交不苟取故爲諸王侯所
重

李太常伯華江上草堂雪夜出妓彈琵琶

北風吹雪盡易昏樹深竹密江上村紅燈照席不知夜忽有清香爲叩門
繫馬登堂不問姓不顧傍人卽坐定座中果目皆英豪主人呼出雙櫻桃
紅綵裊地凝氤氳緩簾額紛香落鳳毛大小忽雷手中出須臾翻作鸞輪袍
媚臉斜凝新病眼一曲低回黃金樽衆客聞之各掩淚潯陽此夜我先醉
天涯海角用此心古人意氣輕黃金管然上馬出門去酒酣寒極天

邵伯值四十舍弟陪臣

井邑遭兵燹移家近馬湖黃巾餘黨在白髮故人無親老仍多病出荒不
及租他鄉今夜月相對話窮途

寄俞八介甫讀書處

夢寐殊方外相思澤國邊山沈於毒霧天落在平川橋柳連書舍鷓鴣滿
釣船五年常憶爾多病似今年

蠟燭山寺

群公愛黃髮携我入空明拂座星流影聞鐘鳥禁聲僧從虎穴出天與石
梯平一浩荒千劫吾將放此生

李郡丞邀同胡文學遊山庄和韻

風巾飄不定重上去時樓蒼鼠翻詩藥青蟲墮酒甌苦吟還掉臂扶醉欲
平頭世道吾無補何因用著愁

八月十六夜邀兆和民服民孝元叔乘漈泛月

雨歇秋方靜扶携上塢船共憐今夕好不減昨宵闊絕大渾無地除山盡
是天清光溢心肯傾賞愈丁年

荅唐太守久雨見懷韻

忽忽年來事栖栖老後懷鳥歸巢斷木蟻出漏空階
吾道偏宜嬾江河不可排秋風一雨歇山色滿虛齋

木峰舊業寄諸族兄

歲暮寒山下溪田久廢耕亂鳥驚日出猛虎傍人行
蜃島蠻夷雜鮫潭冬夏鳴林忽讀書處清夜見談兵

夜懷

起來喧不減策策涼風生月暗蟲聲裏人孤樹影中
南延寒尚早北地候難同想到鄞江上秋花滿舊叢

次李大參韻留別

河北中秋盡江南九月歸草深藏虎穴潮滿上魚磯
田舍春新稻山妻補舊衣到家貧自得莫惟與君違

舟次西華

雁過停舟處徘徊野色遲城根流水抱岸角斷橋垂
烟集棲埤鳥風寒牧馬陵豈堪今夜宿短笛隔船吹

伏枕舟中作

楚魂招不得哀怨此中多纖月回頭失陳星伏枕過榜人吹宿燎曙犬吠驚波毒霧寒江海勸公無渡河

夜行

小僕兼疲馬荒荒獨夜行滄江愁我處流水斷腸聲雁語知臨浦烟光似近城不知何地宿無月又三更

留別謝少府子魯

本落見中州遙連白帝愁黃河臨斷岸明月上孤舟作客已多歲還家又秋思君西下日寒葉滿江流

到家苦雨寄城中諸友

歲晏兼貧病歸心詎可論寒潮水下咽饑雀雨中翻野逕蒼苔合山牕白晝昏還家已十日愁絕舊柴門

江上懷峨嵋道者兼寄空塵山人

長生無術鍊黃金書劍俱忘不廢琴入夜幾迴天馬走臨流一曲水龍吟秋生鵲骨年年病月到峨嵋夜夜心未得從師度黃石萬家霜葉越江深

舟中冬夜寄馮明府汝行

歲事驚心一葉過，不知客夢夜如何。
臥聞群雁鳴沙磧，起看層冰暴野河。
洛下帆檣淮水盡，舟中言語楚人多。
此時別有傷離處，腸斷南船商女歌。

過山陽有感

黃金散盡不封侯，始信浮生總浪遊。
漂母祠前芳草暮，淮陰道上白雲秋。
帆收遠寺鐘初定，角轉重城水亂流。
多少英雄死無處，何如吹笛下揚州。

憶環溪草堂託張公子寄雲間沈大叅

白苧當年憶勝遊，芳尊早暮共登樓。
秋風故國張公子，明月雙溪沈隱侯。
花氣尚憐吟處醉，江聲不斷別時愁。
吳淞水煖鰕魚美，何日重來泊釣舟。

諸公邀登甘露寺留別

天風飄忽翠袍輕，兩度登臨慰客情。
疎磬雨催山寺曉，亂帆春放海門晴。
江迴錢甕三吳盡，潮過金陵七澤平。
明日別離何處問，斷腸烟樹漫蕪城。

京口望揚州懷吳原柏沈肩吾

隋宮梁苑草雲遮，淮水淮山煙樹斜。
隔岸雨晴飛燕子，渡江風煖散楊花。
多情季札常爲客，抱病休文未到家。
我亦飄蓬無所寄，祇將詩酒報年華。

冬日感懷

直北雲天朔氣陰中原生計幾浮沉妻孥貧病仍兵革兄弟存亡絕信音
日算途窮何所事江空木落未端心少年磅礴今垂老併作冰霜一醉吟

風雨登郡城

劍倚江天動遠思江南亂後獨歸遲滿城風雨收鎗久萬戶絃歌破賊時
欲採驪珠候潮落且凭雉堞看雲移終期買棹滄波上相喚妻兒理釣絲

過內鄉縣奉懷荆南主人

乍聞人語覺殊方萬壘山溪山內鄉夢裡瀟湘雲縹緲望中函谷樹青蒼
襄年不得爲秦贅多病猶堪學楚狂囊底餘金曾賣賦令人到處說元王

句章里寄城中諸社長

白石江鄉家益貧聖朝漁父不稱臣門前江水通三島谷口人烟雜四民
丰稔麥冬義世藥心知雞犬漢時隣却憐叔景浮雲溥留得風流一季真

齋居寄海豐楊侍郎

蓬島飛來拄杖前何勞策石遠求仙一簾雨過空青處五色霞明大赤天
江水自清漁者話松濤不响鶴丁眠閑關正好焚香坐年老何心續草玄

游門雨過同伯川賦

藻烟布地不須芟雲鳥依人著隱衙雨歇江干流一蘧風平樹杪沒孤眠
冬深蜃島天長黑潮入漁汀水不鹹祇好釣車聊目計海門到處聞巉巖
盧布衣溼

雲字潤之郵人自號月漁處士與豐存叔沈嘉則同時倡和
夜坐

清露濕衣袂空庭夜正深蟲聲綠砌久螢火落墻陰靜憶爲童事悲生向
老心誰堪共明月坐聽美人琴

新秋漫興二首

短髮經秋下衰顏藉酒紅小窗新得月落葉靜鳴風多病惟高枕無營任
屢空自憐吟獨苦仍值寂寥中
地僻秋先到門幽客不經蛩聲共吟韻霄色入丹青古樹斜留月遙空靜
落星坐驚衣袂濕湛露滿中庭

蘭溪舟中

客路蘭溪上孤舟五月餘波迴石骨迴沙聲竹根虛腥觸鷓鴣起香傳齒

舊初東歸書一紙細語欲何如

田家吟

最是農家樂收成十月天春耕餘穀種秋耘了官錢兒女團朝日雞豚散
野田隣翁相見處凶稔說明年

夏日卽事次豐吏部

晝寂雙扉掩無人共酒杯睡嫌難燕語吟惜藕花開外雨不能作池風時
復來還期問字去載月夜遲回

書牋

入相何人問趣裝馬蹄空笑十年忙貧嫌舍北無道館病喜風前有竹林
蝸趁苔痕升雨壁螢依月色度昏牆題詩欲寄高僧去似覺身心與世忘

江上送別

潮生月亦上月白見潮青不知潮月落君去幾長亭

西亭同朱近臣送沈嘉則口號

送君江上雨未及梅根渚雨急天欲昏不盡別時語

貧家吟

風雪下茆簷出門無去所淒淒兒女啼日晡猶未煮

訪友

訪友入南山扣門不聞語欲數青琅玕錯錯知幾許

偶成二首

江頭春水生江上春水長十日不出門魚苗大如掌
斜頭不出門歲月已忘記燕銜花片來知是春歸去

從軍行

朔風吹雪遍南州未見寒衣到北陬却憶當年別家語誰知頭白未封侯

宮詞

暖風吹雨點宮衣又見桃蕊滿裙飛憶昨未央春曉裡乘園蠶屋夢家歸

春日睡起次嘉則

深巷無人靜掩扉桃花香暖午風微小窓睡起支頤坐閒看營巢燕子飛

李布衣瑋

瑋字偉卿鄞縣人萬曆初年隱士

田舍

廣陌度秋風田家門巷同桑花金一色
荻簪雙紅穗裝存生理籌車見
歲功茅柴新釀得通社醉雨翁

客至

客至方成頗閒來醉未消任貧烹折項
新稞飯長腰蟻醴天將吹蚌衙海
欲潮相憐幽興熟情至歷招邀

野興

彌望東臯上青山亦未返煙嵐深
邃谷林薄雨三家戲聚沙成塔清
環水學巴美人湖一曲吾欲採瑤華

涼夜書懷

萬里瑤天界白河夜深清景坐來多
水雲寬窄疑樓望道葉東西空權歌
騎閣生苔懷曲宴画屏留月令秋羅
人生聚散原如夢莫把傷心恨綠波

入圃

入圃細雨餘荷鋤情不惡山妻愛木
綿慚余種紅藥

清江聞雁

數聲江潯三更雁孤影霜天萬里身
新冷猶如先避雪南來應笑北行人

王江寧同軌

同軌字行父黃岡人稚欽之從孫也以貢生爲江寧令嘗從吳明卿出遊與王介州李雲杜善作詩不多自有風格不飲寄諸公離下撰前後耳談纂集異聞亦洪氏夷堅之流也

行山中

雨餘林氣靜山晚日光斜野店依孤樹村橋臥斷查馬嘶遙澗水犬吠隔籬花白首鋤雪者春風自一家

宮怨

永巷葳蕤鎖殘燈黯淡花閒吹玉簫餘遊月過窓紗

過山家

群蜂何岌岌繞屋風簷泣雲來亞地飛不雨林光濕
虎丘舟中見楊花撩亂飛入幕內感而賦之

來時門前柳芽吐到日寧地綠如許裊娜全傾掌上腰纖長故園機中線
垂條百尺任毵毵亂絮何絲飛滿天認是雪花霑不濕喚爲梅片却成團
画舸筠簾遮不著美人執扇樓中落臂從蛛網又颺來墮向蜂鬚飛復脫

樓頭少婦方孤寢懷人起對牀夢冷真惹春愁上剪刀休索別恨歸衾枕
縈恨惹愁飛轉盼紛紛送我北還遲還時已化浮萍草應對池塘憶柳花

鄭山人若庸

若庸字中伯崑山人早歲以詩名天下趙康王聞其名走幣聘入鄴客王
父子間王父子親逐迎接席與交賓主之禮於是海內游士爭瞻養而之
趙以中伯與謝榛故也中伯在鄴王爲庀供張千宮女及女樂數輩中伯
乃爲著書採掇古文奇異千卷名曰類雋康王薨去趙居清源年八十餘
始卒詩名蜚蜚集又善度曲有玉珎傳奇行世或曰榮陽生其自寓也

贈鄭十二草書

鄭虔一吸三斗酒雪毫酒墨鬼運肘驚猿翻出深藏起十微綃爭欲走
誰向高臺歌大風吹折萬木千山睢水隔開兵甲亂海波起立飛蛟龍
怒欲相攻喜若舞蟲跡蝸涎遍環堵美人凝妝花滿鏡俠客探丸電交吐
五行十行筆不停百丈峭壁懸枯藤長林蕭蕭日將暮落葉已去蛛絲縈
公孫劍術如轉燭張顛墓草幾回綠就中三昧子自解饒盡未亡猶楚叔
酒酣擲筆氣奪虹雲夢入九吞胸中如何化作龍蛇陣一掃胡塵萬里空

代人寄遠

病竹經秋強自持寒條飛葉費相思可憐陌上垂楊樹不似君家繫馬時

陸徵士弼

弼字無從江都人老爲學官弟子自髫髻此至老治博士家言伊吾與吟哦
併日分夜不少廢又好博涉多所撰述廣陵爲南北孔道諸絕賓客結納
賢豪長者其聲籍甚嘗爲詩曰匣有魚腸堪借客世無狗監莫論才何元
明微贊之趙蘭谿常事議修正史請徵故知縣王一鳴故通判魏學禮太
學生王郡登生員陸弼入史館與纂修未上而罷年七十餘乃卒無從稱
詩起嘉靖末年推尊王弼州幾欲鎔金頂禮弼州叙平生文字四十餘人
顧不及無從久之海內爭抨擊王李無從亦心動悔其少作而迄不能改
也有正始堂集二十餘卷王承甫評之曰皮辰以後多染時調乙未以後
乃爲陸無從詩人謂承甫前評爲確而後評未必允也自嘉靖末迄今八
十餘年七子之風聲浸淫海內熏習之深淪膚易髓愛慕者固甘寄其藩
籬而抨擊者亦間墮其窠臼無從而後若俞羨長何無咎梅禹金潘景升
才調故自斐然皆不免淪胥以沒可歎也余於王承甫沈嘉則之詩論之

詳矣

雨後登虎丘宿梅花樓僧房

高閣藤蘿外扁舟暮雨殘鐘聲知客到山色入門看月出千松靜雲披片石寒支公擅名理終久奉清樵

仲春廿日發瓜渚同領使君益卿赴閩粵郭次甫吳孝甫吳叔原送余京口是日值余初度記此留別

寶劍柳枝存翩翩向七閩青山間丁戌白髮念庚寅大雅千年起窮交數子真下生孤矢在豈是戀風塵

謁于肅愍公墓

荒墳隣近鄂王宮異代孤臣伏臘同北狩忽聞哀痛詔中興多仗保釐功百年天地回元氣五夜松杉度烈風聖主祇今恢廟畧玉門開已罷和戎

入閩關

群巒馬上俯崔嵬海色遙臨睥睨迴萬里職方周地盡千秋風氣渙時開危峰春晚常吹雪野嶺春高六急峽天晴忽起雷聞道粵南猶列戍將軍誰是伏波才

大安道中

薄遊歷吳楚忽忽更南征春色關門草年光過客情山銜紆路轉水劃峭
蛩鳴一被風塵誤空多世上名

琴臺

百戰餘荒臺南歸士無幾草木向人啼或是六朝鬼

螢死

西北無人歸秋色揚州早傷心輦路傍依舊多腐草

禪智寺送月上人歸黃山

長蘆初問法歸去暘玄宗一衲空山裏孤雲何處逢寒潭獨夜月秋雨舊
房松回首茱萸路相思隔暮鐘

無題

珠簾寂莫網流塵無歌歌幾已十春惟有香魂消不得至今猶作夢中人

送李季常遊白下兼寄俞公臨

三月殘鶯喚客遊秣陵山色滿林鉤青逆自負名家業玉樹常開異代愁
花外烏衣迷夕帟帆前鷺隱春流新詩處處堪乘興況得羊何好倡酬

送丁南羽還休陽

歲杪孤裝出廣陵，醉來絲竹易沾膺。
微寒冷化山城雪，短窄昏投水店燈。
酒及屠蘇堪奉母，經將貝葉獨依僧。
紫霄岩畔好明月，後夜思君第幾層。

宿句曲山中酒家

襆被向天涯，蕭條寄酒家。
青山仙宅近，黃葉客途賒。
夜塔飄鈴語，風窗墮燭花。
匣中雄劍在，那敢負張華。

贈金陵馬姬

杏花屋角響春鳩，沉水香殘懶下樓。
剪得石榴新樣子，不教人見玉雙鉤。

贈吳姬薛素素

纓絕鈿遺漏欲分，留髭送客意何勤。
酒闌明月生瑤樹，坐久流螢點繡裙。
子夜歌來猶是夏，巫山夢去總爲雲。
羞將錦字傳哀怨，清磬長依貝葉文。

秋日懷龐學博

蕭蕭一逕入秋苔，束帶時愁長吏催。
旅食又看鴻雁至，家書常共荔枝來。
花邊小几聽禽坐，竹裡孤檠候客開。
千載賦成傷不遇，白頭誰惜董生才。

貴山人克晦

克晦字孔昭惠安人少好學善画或謂之曰君工画不能使画重而工詩則画重乃歎憤學詩遂以詩名閩中出游匡廬嵩岳縱觀江河泰岱之勝徘徊二京遂與沈嘉則王伯穀相上下其歿也晉江黃克續刻其詩於聊城凡六卷

經居鄴范增故里

風雨過居鄴野水流活活亞父故時居蒼莽煙中閣項氏起江東力過萬入絕幕下雖無人君豈負三傑鴻門會且歸玉斗碎如雪天授人何爲徒勞三示决茫茫天地間王霸幾衰歇何事往來人爲君重嗚咽

登鼓山絕頂懷林公濟

天路蒼蒼色風泉濺濺聲未驚人境絕已覺客懷清轉石生江海分林隔雨晴故人期不至雙眼落秋城

晚俞都督

咽馬悲鳴日非熊卜獵年陰符藏鬼谷玄甲築祈連痛哭餘孤憤艱危息兩肩惟應麟閣上遺像儼生前

破山寺

神宮泚歇盡曲徑故來幽
日落亂松影風迴清澗流
歸禽栖入暝古佛坐
深秋此倚堪昏黑諸天不可留

桃溪夜泊

清霜夜落武陵溪水上
蒼烟十丈齊野蕪冷燒紅葉火
村春寒接五更雞
不眠枕上多新得所過山中有舊題
起問昨宵沽酒處人家只在小橋西
玄宮除夕

寒色蒼蒼落日斜
空庭獨立數歸鴉
石人此際方無淚
羽客今宵亦有家
已判離愁消竹葉
誰堪詩句頌椒花
明朝攬鏡休憐色
未入新年鬢已華

惠陽傷亂

東粵重來倍黯然
荒村古堡暗蒼烟
山中故老無歸業
木上新民未種田
江燕春深巢樹腹
野狐日落吠谿邊
東風那管亂離事
草色藤花似往年

八月初三夜月

纖月西樓已可望
雁聲斷處一痕霜
微紛露葉光猶淡
初上風簾氣自涼
羌笛漫教悲舊曲
蛾眉空與妬新妝
只將今夕娟娟影
預卜中秋一夜長

李中主讀書臺

旁有龍池龍至水騰涌
雨之洗潭下有墨池

自築書臺讀五車錦屏千疊護殘霞
何年雲雨池中物終古河山客裏家
松下巖泉猶帶墨風前木筆漫生花
夕陽無限遲回意空對高僧問法華
同焦叔度宿清涼寺

高樓夜伴山中宿清磬寥寥百草芬
巢鳥近人飛如覺巖僧隔竹語相聞
坐深四嶺渾無月衣冷蒼松半是雲
故甲不堪歸夢遶何時衾枕更隨君
亭至餘干用劉隨州韻

楊葉青青柳葉齊烟村渺渺楚江西
湖邊芳草連天綠馬上春禽盡日啼
渡水眠雲千片落到城新月一痕低
遊人元自耽風景翻向黃昏憶故蹊
送範卿後馬上值雨作

天涯雙鬢易成絲何處淒涼可淚垂
花下一樽相送後雨中匹馬獨歸時
逐臣離恨迷芳草滯客愁心挂柳枝
明發西山風日好道房禪榻與誰期
同顏範卿遊海天寺時先秋五日

湖上虛亭江上樓一櫺隨意俯滄流
朱旻正伏三庚火綠樹先函五日秋
雲盡匡廬開九疊天長夢澤入孤舟
黃昏歸棹煙中發漁唱村燈滿渡頭
水上虛舟得開宇

小艇浮浮定復開。鷓鴣鶻鶻共徘徊。亂餘野渡行人少。雨暗江村釣者回。
烟清風多如落葉。沙汀水淺似膠盃。莊生同是身無繫。浪跡漂搖兩度來。

登道樓懷石山公

綠髮稱生今禿翁。道樓猶自故時雄。傷心十載論交地。極目千峰洒淚中。
碧海還生杯底月。青山不斷筆頭風。通家幸汝諸賢在。慚媿知音負乃公。

太清閣

山下看山半在天。山巔高閣更堪憐。四更海日生簷瓦。六月林風颭綺筵。
空外白飛何處雨。掌中綠遶半城烟。當時同此開窗坐。一雀儵儵若箇邊。

和黃後溪翁七夕月下開筵

絳河垂地七襄迴。弦月無雲半壁開。何處笛聲傳折柳。滿庭秋氣颭蒼苔。
遙疑靈鵲橋邊落。暗度穿針席上來。莫遣天孫聞此曲。歡情離恨正難裁。

夜宿陳爾昭竹溪山館得西字

迴磴斷橋山。且西高楓葉赤飛滿蹊。一家村巷到始覺。千樹花源行轉迷。
野犬欺虎度林黑。沙鳥避人穿竹低。欲移衾枕抱雲石。月白天雞空裏啼。

汲江亭中秋得江字

雲雨黃昏無處所，虛亭涼色滿空江。
客中良夜秋三五，水底青天月一雙。
露氣凝珠依玉樹，桂花飛霰落銀缸。
相看況有同心在，弄影酣歌坐竹窗。

奉和霜降祀陵

金城西北萬山頭，翠積雲蒸碧水流。
千古幽燕開白日，九朝陵寢閔清秋。
星辰影動祠宮入，霜露寒生帝子愁。
廣樂無聲班欲定，似聞仙蹕出松楸。

聽話西苑得鈞字

宿殿清虛太液秋，至尊多在望仙樓。
樹深宮闕東西合，月出星河上下流。
麟圃紫芝春晬晬，兔園白鹿曉呦呦。
軒轅鼎在龍華斷，露箔風簾不上鉤。

西城晚眺

薄葦登城暑氣微，風含暉靄欲沾衣。
青山滿目慚高隱，白髮盈頭愛落暉。
水帶平蕪雙鳥下，雲連遠寺一僧歸。
深杯未覺黃昏盡，漁火遙生垂釣磯。

嵩陽宮三將軍柏

人間柏大此全稀，老幹寧論四十圍。
蓋偃曾傾天子葆，露寒應覆侍臣衣。
猶看連影容千騎，那識何枝發六飛。
惆悵茂陵無限樹，荒丘殘隴草菲菲。

題画三首

江樹何霏微
遙山蒼翠裏
秋風吹紫衣
人影橋下水
欲遡大江流
泊舟楊柳岸
潮上柳風吹
渡江天未旦
江草引行路
水風吹渡橋
故人家咫尺
門外是春潮

送翁武舉出塞赴陳中丞幕

欲繫單于頸
長繩鍊縷絲
出塞人應笑
入關世始知

狼山歸道中作

前山無夕陽
猶問夕陽洞
天寒人不行
山僧出相送

樵歌貽盧子明

採薪入深林
唱歌出幽谷
樵歌非無辭
辭古不可讀

太平水閣寫真

遠影亂歸帆
孤烟發殘磬
垂綸岸岸移
楊柳遙相映

後出塞送陳季立防秋

朔風邊月薊門秋
画角鳴鳴百八樓
自著戎衣頻上策
三年不起別家愁

出塞行四首送郭建初歸賊都護幕中

鏢甲搖華鉄戟寒
殘弓插羽上雕鞍
班超自有封侯骨
世業寧論是史官

臥拂胡沙雪作塵鞭頭吹角月華新夜分莫作還鄉夢塞上悲歌半越人
當時都護靜倭奴將校功高錦連軀今日軍中思一戰年年馬市款單于
前門白日塞烟開記室翩翩草檄才衛霍空教尊貴甚當年投筆有誰來

少年行

調笑胡姬夜不歸日高春酒不停揮下樓忽聽中山獵白馬煙中一點飛

渡頭相送一沾衣日草相思不下幃潮水莫言還有信渡船兩日一回歸
苦竹渡邊苦竹枝常思嶺下常思誰奴自不言誰得會江風江雨自應知
雲起南臺墨未濃俄然一雨暗千峰篙師解說當年事臺下分明有白龍
越王城裏九山分只見三山翠入雲山下有山看不得奴從何處可逢君

康州圖

亂山無徑不通樵漁舍陰陰映綠蕉樹杪泥乾江水落村邊沙白瘴烟消

康山人從理

從理字裕卿永嘉人好客任俠倭寇起海上偕劉將軍子高入吳間關兵
革間瀕死者數四子高謝裕卿裕卿終不肯去子高拜大將建勳毘陵幕

下士日衆裕卿乃辭歸金陵于高病思見裕卿裕卿馳赴與永訣經紀後
事扶其柩至武林遠近皆義之故人朱海峰遠宦病革屬續猶張目視裕
卿裕卿撫之曰君勿憂遠道歸襯此吾事也乃瞑裕卿跋涉水陸以其喪
歸同里王叔臬起吊相向慟哭再拜謝焉裕卿居長安數年依叔臬南還
買山珠浦病卒叔臬以治木殮之棧石表之曰康虞士之墓裕卿詩多散
佚太倉曹子念其死友也往哭其墓刻其詩曰一雁山人集

江行村懷社中諸友

扁舟投落日遙夜楚江隅月上寒潮靜燈依野听孤驅馳悲踣雁半落愧
樓鳥一灑并州淚東流入舊都

歲暮泛彭蠡

曠望極平川遙心自黯然空烟疑有地遠浪不分天暮色孤帆外寒聲落
雁邊年催長路客歸思倍堪憐

舟中哭朱海峰

終食悲妻子孤裝執輓行諸君然風昔心豈隔幽明角傍寒城語濤兼夜
雨聲聞關千里道君見死生情

觀音閣

古寺夕陽邊，憑虛思渺然。江聲猶楚恨，山色自吳年。宿鳥回清磬，孤舟避野烟。長廊燈影寂，徐步禮金仙。

再至京口有懷金焦舊遊

層城舒遠目，迢遞送歸鴻。歲月更新曆，江山憶舊蹤。鐘聲春浪靜，燈影暮流空。邈有東林約，無因問遠公。

曲池草堂和韻爲項思堯賦

地臨滄海勝，門向謝山偏。養晦非亡世，銷年祇尚玄。松寒延月早，花艷得春先。且謾論高臥，知君在呂虔。

黃河夜泊

燕雲朔雪路千重，飛蓋關河歲暮蹤。日落帆檣隨雁鷺，夜寒衾枕傍魚龍。鄉書寂寞天涯淚，客鬢蕭蕭騷鏡容。斷岸蒹葭風雨急，一燈孤影聽疎鐘。

吳門逢吳孝甫

握手天涯問釣磯，別情歸思兩依依。年華共老芙蓉劍，生事孤隣薜荔衣。雁外清砧侵坐急，霜邊殘葉傍愁飛。十年岐路懷君意，一入青山會轉稀。

鄒公子佐卿

佐卿字汝翼丹徒人按察使紳之子天性樸雅不事奔競楷書臨黃庭經詩
工唐律不與人爭長用自娛悅而少爲貴公子喜遊狹斜富於才調集外有
艷詩十卷題曰纏頭集佳句屢情可歌可咏如箇中舊恨留金谷天上新
愁問玉卮江柳眉梢雙鎖恨海棠春滿獨銷魂寶鏡夜寒鸞鏡影西來春
暖燕歸樓妝粉曉沾蝴蝶草啼紅春染杜鵑枝吳苑柳影分雙翼衣剪靈
綃學六銖小閣閒情絨草惹空庭微山出蓮花樓前彩鳳隨仙史陌上銀
箏悞使君春回漢水思捐佩日滿秦宮照卷衣玉厨經霜凝屈以垂楊新
月挂鞦韆揚柳調都歌扇月拓枝香度舞裙風帶翠香籠條脫接梧桐聲
轉轆轤寒明月小樓關盼盼手搗深院李師師義山無題之後不多見也

西津別妓

立馬江皋問暮潮片帆西上略迢迢人將碧草新晴去魂對青山暮雨銷
雲已自依林葉渡月明淩斷風簾蕭悽頭濁酒春堪醉還訪秦淮舊板橋

宮詞

覆道傳呼御輦過遙聞仙樂動雲和黃金縱買長門賦逝水終慚太液波

艷曲

碧樹映紅樓佳人是莫愁竹枝看引鳳花色笑牽牛舞罷月初落歌殘雲
欲流何妨十日酒醉殺秣陵秋

茅布衣漆

漆字平仲丹徒人幼好學不求聞達閉戶著書有韻譜本義行于世詩不
攻應酬與鄒佐卿輩唱和以布衣老于鄉

遼西歌

裨將分屯三十營營營火礮震天鳴縱教胡馬如征雁不敢銜蘆過北平

汪司馬東巡歌

曉渡滹沱雪滿河轅門鼙鼓雜鐃歌爲傳今日新司馬原是南征舊伏波

葉山人之芳

之芳字茂長無錫人以能詩出遊人間好使酒罵坐鄉彥古與之同里繆
相延重而心殊苦之知其人亦豪士也

觀海

碧海何真真空光連太清白雲飛不過紅日落還生去鳥難分影遙山安

可名何當借鰲背載我向東行

入新安溪

可怪新安水舟從石上行不風秋暮冷無月夜深明古木何年偃危湍幾處驚千尋猶見底曾數越江清

宿景光父

白露下疎牖蕭條秋夜涼入門君未寢明月在空林貧賤元同病飄零祇獨傷不堪聞蟋蟀久已怨離鄉

別楚生二首

同君楚水別獨向晉陵歸秋葉霜中盡寒帆海上稀城荒衰草遍山遠夕陽微最是添愁處天邊一雁飛
歸人海國去鄉路入江州遠樹低山郭寒潮沒清田長風飄薄草如日傍殘年蕭索難爲別惟應故舊憐

暮春送別卷爲韓八題

韓八題 韓八自楚還蜀中

河梁日岸罷離尊送爾西游去故園湘浦月明春飲馬巴江花落夜聞猿
書山易墮天涯淚芳草空銷遠客魂何事不歸長寄食路旁誰更惜王孫

顧山人聖少

聖少字季狂吳郡南宮里人少無鄉曲之譽陷于縲紲徃去鄉里年四十始稱詩游燕趙齊魯聞客諸王邸中死于閹王元美贈詩云季狂爲謬生避仇中夜走自詫僉煩雖不操吳音久頗鮮鱗甲腹僅餘雌黃口

送李汝學還上黨

傾蓋同爲客携樽復送君悲涼誰作賦南北此離群坂沒羊腸雪山橫熊耳雲相思豈無雁可待九秋聞

莫山人叔明

叔明字公遠長洲人徙居武林僻好爲詩苦思險詣務出于人所不經道高自標置每謂人遺口出語太易人得無以岑嘉州目我乎群少年皆目笑之數見譏困貧亦益甚遊燕齊及楚返葬于武林自伐石爲之表曰明詩人莫公遠之墓

宿佩上人房

支公不相馬夜向窗前開醪酒醉佳客燒燈對靈山庖厨竹樹下巾爲桃花間一宿又何意題詩重愁顏

送秦馬平表弟入京

翩翩白馬只橫行楊柳秋風去客程仗劍好言錫似舅開樽莫爲弟辭兄
簾藏綠嶼衣邊暗樹隱蒼苔肘後明聞道陽春唱高曲大都不是別離聲
李冬章少參見訪不值

欲知何事不逢君閒向青山與鶴群安得玉缸香是酒但看青案字成文
天寒竹葉翻重翠歲晚松枝起片雲戶牖阿誰嫌寂寞自無人語絕相聞
贈別

年少辭家不畏勞山間綠樹成樓高桃花不令渾如淚和雨紛紛上客袍
朱太學邦憲

邦憲字察卿上海人父豹字子文官至福州太守邦憲性慷慨通輕俠急
人之難甚于己恥爲執縛子弟及儒衣冠呼盧挾妓舉觥船數十不醉意
豁如也福州故吏官雲間者思報稱太守爲邦憲買田宅固辭不肯邑令
雅重邦憲日造請其廬驩飲欲請閒爲邦憲壽終不敢發言令死邦憲經
紀其喪千里還葬趙尚書文華督師江南下教邑令故人子朱生安在其
母夫人無恙乎爲我好致之邑令一日三及門具饔飧趣行邦憲自櫂備

舟楫衣詣督府尚書驛甚握手相勞苦酒酣從容爲言丈夫當乘時射取功名多顧金錢此非夫人甘羈何用硜硜守匹夫之節乎言之再至于三邦憲三辭之尚書歎息曰福州有子我所不逮也尚書敗人無敢名爲尚書客者邦憲爲人語尚書輒拊膺流涕人以此益多之邦憲好讀書稱詩多長者之游數千里內信使趾屬于道所最厚善爲四明沈明臣吳門王穉登邦憲沒明臣哭之過時而悲且與穉登並爲立傳其歿也四明余寅移書邵御史請祀諸賢宗

會稽獄中訪徐文長

廿載神交意氣同相逢有淚洒陰風
穉與擬作五經笥園室今爲一畝宮
獄吏未能書牘背俠徒那得載車中
天王何日封三府不使沉冤射白虹

荆軻

匕首無功壯士醜函封可惜將軍首
秦庭一死謝田光社稷何曾計存否
不知秦王環柱時舞陽在前何所爲
當時太子不早遣待客俱來應未知
寒夜集家兄園居有懷唐光祿三丈

騎馬衝寒共出城一尊宵宴愜歡情
棋聲到樹鳥不定池影入窗人倒行

林滿清霜山更瘦地留殘雪月逾明天涯忽憶離群客長樂聞鐘夢未成
張左虞燕京惠詩知寄

迅風激高雲朔雁正南翔良友在長安寄我詩數行恍聞漸離筑忽灑燕
山霜肝膽兩相照然諾安能忘結縲爾優游塊處吾徬徨久挾三千牘不
共侏儒囊空射箭頭書無益聊城亡嗟嗟竟白頭蓬蒿淚沾裳丈夫抱遠
畧策名在疆場不知漢天子曾復問馮唐

朱監事正初

正初字在明靖江人嘉隆間官光祿監事家富好客沈嘉則王伯穀諸人
皆客其家

無題

長干車馬少年同此夕翻疑似夢中楊柳有聲吹作笛梅花無數落隨風
春山尚闌顚間翠夜月都消枕上紅惆悵當時歌舞處夕陽猶照小橋東
潘舍人緯

緯字仲文一字象安歙縣人垂髫能詩家於白岳之下隱居誦讀不妄交
與興化李文定公在政地延致門下凡十年蕭然布素無所干請興化去

國試鎖院不中入貲爲武英殿中書官人萬曆中致仕歸土仲房曰仲文
年少攻詩不甘常調雖羽翼方翔而心力知厚負矣余觀仲文詩文苦精
思擺落凡近如秋水芙蓉亭亭自遠仲房亟稱其郭外關河遠樽前歲晚
殘旅館午寒閉江城秋雪飛未足蔽昨文也隆萬間饌中主盟白榆結社
醒醲肥厚之詞薰灼海內仲文厚自拂拭儵然自遠視一時才筆之士殆
如獨鶴之在鷄群而時人或未之知也當與其眼人共推之耳

送友人北遊

樽酒慰行軒交深敢贈言經過鄭莊驛好問孟嘗門一諾休輕許千金未
是恩年來長送客此意不曾論

簡方際明

昨暮登樓處雨收溪上村此時見新漲直到君家門舊岸集漁網高堂藏
釣綸嘉魚坐可辦好約同開樽

夏月過余松泉先生溪園

花樹竹爲垣幽陰坐處繁遙疑原上日不到水邊村山雨帶雲集松籟清
蒼翻往來三逕裏何地有鶯煩

寄題方山人陵陽別業

方千有舊業本在青溪東近卜陵陽隱因懷龐德風百年畔隴上八口寄
菴中獨羨漁樵侶能將出處同

冬夜奉懷從兄汝和時在江西

平行江水北君行江水西兩鄉千里隔一夢幾迴迷雨雲連天遠梅花落
月低所思何處在殘夜聽鳴鷄

荅方僉憲定之先生

時違長弃置身賤寡交親方學漁樵業甘爲農圃隣坐愁生白髮出畏染
緇塵十載攻詞賦無媒只舊貧

賦得雙鳳翎送方生趨幕府

延津雙玉虹神物合雌雄易用千金購難爲一割功塵埋餘斗氣歲遠結
陰風感激封侯去龍鳴出匣中

春日憶山中舊隱

及茲農事候令予歸不問本無西疇畔爲趨東風還舊廬在林莽樹石繁
其間時春方雨餘如鳥聲關關門柳烟柔條羅逕滋苔斑澗鳴始流泉座

對初青山寓目但成景仰多歡顏
此卿能似否寧不思迴轅

過蘇州冷翁大參休園喜鴻臚諸昆載酒留集

游生風雅存吳代蘭蓀修竹仍三徑
垂楊白一村啼鶯呼過客幽草映
閒門舊識求羊侶重憐載酒樽

邦江逢歐楨伯學博余昨過廣陵以夜半渡關失訪後移官偶遇
賦贈

廣陵關外路夜半夢中過騎鶴人逢
聽雞客誤多去來同雨雪吏隱各
煙波携得新詩別相思日日夜夜

官莊春暝

一徑掩蒿蓬孤村煙靄中鳴蛙出水曲宿鳥隱花叢高樹留殘照遙山映
暮空無人伴幽興招月聽絲桐

春日官莊

幽居近喜卜東溪遠市依依隔水西
隄柳漸迷來客駕山花自發野人蹊
遊魚晴戲陂塘暖雉雉朝飛壠麥齊
更好林鴛聽不盡雙柑斗酒日勞携
官莊晚霽

平原眺晚霽百里見蒼山鳥帶浮雲人從暮靄還村童過雨集野老到
秋間倚杖逍遙者聽蟬竹逕間

山中贈友人

西園獨偃息伏枕連朝昏送客偶出戶看雲還倚門田蕪沒平野木落見
前村憐爾幽懷者時來相與論

夏日溪堂

村居無廣廈松竹自成陰長日林中臥風枝落布衾時憐野漁唱復愛幽
蟬吟孤酌還乘興臨流理素琴

宿白嶽社山中

白社負幽期青山寄空宅偶携林中友重臥崑下石雲歸忽閉關月出更
留客不着塵夢還潺湲經累夕

送徐汝搏還三衢

憐君遽爲別風色散裘寒郭外關河遠樽前歲臘殘人歸姑蔑國帆過子
陵灘夾岸梅花發相思好奈看

鑾江秋暮

家遠信音稀懷歸未得歸途窮劍空在性懶念多違旅館午寒閉江城秋
雪飛還漸京兆客何事泣牛衣

過方別駕市上園

久爲絃歌出仍無三徑資還山種松菊傍舍葺園池門閉喧能隔庭閒鳥
亦知一樽時自醉猶笑棄官遲

鸞婦吟

采桑復采桑無嗟爲蠶饑食君筐中葉還君機上絲還君絲織君綺貧女
養蠶不得着惜爾抽絲爲人死

初夏同王應鳳余日章汪以仁以敬過余于玉園居

背市園居寂到門芳草深呼童出貰酒留客坐鳴琴鳥作辭春語松生入
夏陰求羊無夙約閒逕自相尋

上渡

渡頭風雨急橋斷夜來水時有魚舟人招招者誰子

松石臺

倚松踞磐石無伴坐亦好不信石無塵松風與灑掃

聖駕九日天壽山登高獻三閣下

輿輿九日駐郊圻清蹕傳呼上翠微
朔塞秋聲連画角陵園霸色雜朱旂
千官馬逐層岩轉萬乘龍隨蹬道飛
欵記明良遊豫盛野人終愧賦才非
出郊與黃吉父言別

策蹇出都俱莫問笑彈長劍對銀缸
虛傳郭隗臺千尺誰賜虞卿璧一雙
林下放歌俱白首門前把釣有滄江
也知西掖還東閣且趁南風臥北窗
應制賦禁中柳絮

日暖長楊露乍晞樓臺無處不霏霏
纔隨漢苑春風起忽作梁園暮雪飛
案上花生供奉筆輝頭彤落侍臣衣
不因賦質輕微甚那得吹噓到禁闈
漂母祠

曾謂千金意能酬一飯恩往來入下拜
猶是爲王孫一

瑞蓮應制二首蓮生慈寧宮奉大士盆中九華五色

盆作金龍百寶裝波心常現玉毫光
新秋一朵青蓮涌三十六宮聞妙香
瑤池浪說千年藕玉井虛傳十丈花
爭似九葉開五色西天瑞現帝王家

漢宮詞

棄置長門鬢欲華後宮又道選良家君恩好似三春雨半爲開花半落花

過友人園題壁

垂柳柴門傍水開啾啾野雀啄莓苔園林日午花爭發主不歸來客自來

田廣文藝衡

藝衡字子秬錢塘人學憲叔禾之子也十歲從其父過采石賦詩云白玉樓成招太白青山相對憶青蓮寥寥采石江頭月曾照仙人宮錦船性放曠不羈好酒任俠善爲南曲小今晚歲以貢爲新安博士罷歸常衣絳衣挾二鬟游湖上逢好友則令小鬟進酒促膝談諧時挾內人遍遊諸山偶日暮不得巾車覓得一驢與內人共跨入城有留青日札在小說家

山中

避俗非遺世無材合肯時獨居如我僻幽事與心宜暮雨喧茶臼秋山落研池臨風聞伐木猶自動遐思

遊三茅山訪鄭煉師

小隱居城市悠然寄一丘青山同入定黃葉自悲秋湖影搖晴榻鐘聲度曉樓丹砂何日就期爾在玄洲

夜投禪院

冥冥溪路轉初月隱林間孤燈在深竹清流影前山倚樹露欲滴扣門僧
正閒宿好雅相得明發何能還

雨中感懷寄諸故人

三十年來尚轉蓬學書學劍兩無功數椽茅屋寒江上一樹梅花細雨中
聞雁忽驚時序晚對山不覺酒船空高陽舊侶能相念冰底雙魚尺素通

塞下曲

黑風卷沙平太行轅門列戟飛秋霜敲冰飲馬萬蹏裂旄頭白日寒無光
胡笳呼兒角聲死短兵戰過交河水不恤身爲塞下燐孤光還照長城裏

戎政府

大將新開戎政府門外列校如狼虎團營十二坐指揮此生焉能與會伍
咸寧旗偃虜騎來咸寧旗出虜騎回九廟震驚本兵死帳中歌舞方行杯
寵錫如山印如斗君恩愈深臣愈負兔窟深藏屠酷兒駝峰屢納單于婦
平頭奴子腰盡黃不獨秦宮花底狂內家珠玉懼權室錦衣目側旋中傷
猿雞飛去塵垢漬舊病痕發時至中有物如白帶自難曾公夏公來作崇

疾華時自言見兩公來
系對告漢武安侯事
西湖一莊不忍捐帶礪山河片言墜勢相慘
九邊嬌妻稚子囊街懸誓書未及傳三葉血食寧知絕九淵鄧塢空爲萬
年計落花滿地朱門閉鷄鳴狗吠散如烟寵姬給配功臣第就裏尤誇俞
七兒新人重事尚嬌痴開裝寶束今何許玉帶曾勞柘柳枝七兒姓俞氏
家奴洪定女也爭紫玉帶聞其嫡洪不與乃自製七寶開葉金束其值蓋
巨萬計云

錢塘門

雒陽曾聞北邙道浙江今見錢塘門朝朝五鼓靈輻發苦雨悲風愁斷魂
西湖山中白楊樹今人古人幾丘土掘人白骨築新墳何遽今人不成古
世人有死亦何生依然冠蓋滿杭城妖童艷妾不可保何況槐第連蒿塋
湖上笙歌引絃轂一半驩娛一半哭狐狸銜出夜臺衣烏鴉亂攫春盤肉
丈夫處世求樂多有身耐埋金巨羅雷霆不使人醉耳忍聽城門薤露歌

西湖題小桃王氏別館

柳外朱樓綉綵霞阿誰湖上浣春紗留人燕子初命子命讀作名燕時以
聯面桃花恰始花綵讀輕薄未應來鄰下呢喃多是怨王家東風頻駐靑

驄馬無那橋西酒旆斜

月夜即席示座客

雲散江城玉漏遙月華浮動可憐宵停歌不飲君何待試問當年李玉簫
玉簫蜀宮人費唱王衍宮詞月華如水浸官殿有酒不醉真痴人之句

丘柳城雲霄

雲霄字凌漢崇安人嘉靖十七年貢士官南京國子監典簿遷廣西柳城
知縣歸隱于武夷著武夷志

思家

木落愁還山鄉心夜來絕不見渡溪人但見渡頭月高堂憶遠征妻孥望
天末舞衣生輕塵自貽此契闊白雲起江頭直向武夷沒

古溪

游千悲無碍寒風吹短檣問魚沽酒路隨犬到田家茅屋依山靜溪橋逐
水斜逢人皆荷蓑相笑失生涯

錢塘

天隨望落低低鳥湧欲潮生細細風裏送客邊春夜冷夢依天末翠微重

雲深碧樹渾經濕。日落清江半染紅。愁倚西樓芳草合。吳山越水暮煙中。

北固山江望

偶來結束成登眺。獨立蒼茫散暮愁。地入秦淮千嶂出。天分南北一江流。
潮隨返照衝長島。鳥入深雲是故丘。自信久無菟鹿夢。浮名應愧釣魚舟。

春盡次淮上

南關何處日孤征。歸夢先春幾百程。今日送春猶是客。孤城寒雨不勝情。

落花

昨日看花花滿枝。今朝爛漫點青池。無情莫抱東風恨。作意開時是謝時。

王粲人樂善

樂善字存甫。霸州人。萬曆乙卯鄉舉。有扣角集。多自傷不遇之意。

春宮曲二首

燕語花飛正斷魂。黃金枉費賦長門。淒涼莫恨嬋娟誤。不嫁呼韓卽主恩。

楊花風散滿池漣。倚檻看來暗自傷。紅粉爭如風裏絮。化萍猶得傍鴛鴦。

張祐

詩見李于忠藝圃集。唐張承古名祐。而此君名祐。字義通。別俗人。以爲同姓名。可資一噱。

閒詠

池上新荷綠，風清白鷺飛。採蓮人已去，水面落紅衣。

葉山人權

錯字時中休寧人，其巫山高詩云：月下人嗟夜夜樓，江邊花發年年樹。爲時人所稱。

感遇

花暗重門燕遶梁，珠簾高捲鬱金堂。香雲縹緲來青嶺，初日玲瓏照寶妝。蜀錦畫長鋪翡翠，吳綾春暖臥鴛鴦。含情欲恨風流盡，笑殺羅敷自採桑。

燕

何幸棲君玳瑁梁，薔薇花下趣餘香。願教春色年年在，不惜雙飛日日忙。聽查八十琵琶，查曾應詔教內人如唐之賀老，晚年流落江湖，人多遺贈，亦如開元之感也。

新聲不及鸞輪袍，空撥皮絃挂錦絛。獨向月明彈一曲，白頭雙淚落秋濤。

汪山人錢

錢字伯耳，徽人。豪宕自命，聊城傅光宅爲御史，文厚出入其門，致有煩。

言光宅左遷耳伯下詔獄光宅抗疏自理有云臣爲友累不過貶官友爲臣累幾至畢命相提而論孰重孰輕時論避之

寄伍雲

龍荒驅虜逐輕車麟閣論功髣已華月照夜愁飛漢苑風吹寒夢落胡笳
年光祇見天連水春色空餘雪作花獨向窮邊留滯久青門閒殺故侯瓜
待柴荆

朝尋白雲去暮將白雲歸寥寥窮巷中懸燈未掩扉

王貢士應辰

應辰字永嘉人嘉靖中貢士與陳海樵沈青門善侯一元序其詩

夜游曲

燕舞起香塵鸞歌出絳唇直須滅銀燭恐有絕纓人

諸將二首

元戎授鉞爲防邊斥候傳烽未息烟盡道長驅如衛霍何人起冢象祁連
群盜縱橫將才紛紛白骨葬黃埃何誰騰上胡兒騎却引殘軍入塞來

中秋新月戲簡須彌仙

入牖方差攬不盈步嬌始覺眼前榮
惟豈是同胡騎陣偃由來學漢兵
灑灑影分金鏡彩纖纖形帶漢鈞明
多情天上張京兆何事雙蛾画不成

張儒士金

金字伯堅江都人

雨中泊太倉州

太倉城河潮水生石橋西下官鼓鳴
客子思家孤夢遠舟人刺船雙櫓輕
橫風剗海浪作勢急雨過山雲不行
暫時繫纜小港口城門擊柝聞初更
仙居吟

尋常不到山前路洞口閒雲盡日封
時有聽經童子至不知身是石潭龍
古壩卽事

布穀聲中日又斜石橋流水兩三家
鄉村春色無人管開盡棠梨幾樹花
田四科

四科字子哲江都人

旅館

旅館清尊日復斜鷓鴣啼處客思家
晚來牆角臘脂雨落盡山桃滿樹花

陳秀才公綸

公綸字渙中臨海人自稱天台玉室道人有采碧集其自敘以爲本東野
農夫因徙郡城誦讀爲章逢行跡不出其鄉獨六客錢塘平生好詩歌恥
趨謁自禁諛語以玉室名其詩不欲著其姓字云

白雲樓閒居

世事惟尊酒清狂寄海東濯纓千礪裏步履萬花中放杖留青草將衣挂
碧松西林雲寂寂到晚自鳴鐘

曉發剡山

曉發剡山路東方白尚微張燈沽酒店帶月旅人衣水遠孤舟渡煙空一
雁飛及秋啼未得徒自憶山扉

秋日

落口驚衰柳西風倒病花物華推小院歲序轉枯槎野徑隨流曲山籬帶
雨斜幾迴同逸侶乞酒到隣家

山寺作

近郭叢林遠山環徑轉微溪光分石髮厓色亂苔木樹密雲能度風閒鳥

便飛短翼看未足時傍夕陽歸

江上

雙鷗如有約同泛越江風極浦迴波勢脩林襲岸容孤帆春雨外短笛暮
煙中坐久渾無事江頭數亂峰

夜坐

小坐欲更闌參虛神自閒風開簷際幙月度水南山寒角城雲滿夜漁江
火還一尊如有待聞雁獨憑闌

高壚

壚字洪父揚州人

月明橋

何處月明橋花言對浦潮卽今明月夜時有客吹簫

張秀才文介

文介字惟守龍游諸生王元美序其詩

吳江舟中

向夕問舟人吳江將至否須傍微月中繫船好沽酒

醉醒口勝

夜分醉微醒山樓半倚月闌人猶未眠月底看鴛鴦

鄭惟勉

惟勉字時成未詳邑人出金陵人明詩曰抄有短歌云志士寘樓多苦辛
懷書十上未聞秦蓋亦高才生而不遇者

寄衣曲

秋風連邊塞水葉下庭幃織就機中素裁爲萬里衣憂沉絲緒短汨漬線
痕稀君休應如昔妾容今已非

春怨

玉砌繡苔苔花落香泥濕下簾秦靈和春風復吹入

王秀才瑞

瑞字 陝州新城人爲人豐願雄辯氣岸豪舉年五十尚困諸生有課

餘集自爲之序

春閨詞

十二闌干遮玉樓珠簾垂影控金鉤多情最是梁間燕泥軟花香去復留